



Tlf: +299 48 34 11  
nuuk@bdo.dk  
www.bdo.dk

BDO Statsautoriseret revisionspartnerselskab  
Imaneq 33, 7. sal  
GL-3900 Nuuk  
CVR-nr. 45 71 93 75

---

## **Nukissiorfiit**

### **Kukkunersiuisut nalunaarutaat nr. 1**

### **2025-MUT UKIUMOORTUMIK NAATSORSUUTIT PILLUGIT**

Qup. 1-30

<b>1</b>	<b>2025-MUT UKIUMOORTUMIK NAATSORSUUTIT KUKKUNERSIORNEQARNERINUT INERNILIINEQ</b>	<b>4</b>
1.1	AALLAQQAASIUT	4
1.2	KUKKUNERSIUISUT UPPERNARSAATAAT - KUKKUNERSIINEQ PILLUGU INERNILIINEQ	4
1.3	KUKKUNERSIUISUT OQAASEQAATAAT	4
1.3.1	Tamanut tunngatillugu	4
1.3.2	2025-mut ukiumoortumik naatsorsuutitut kukkunersiuisut oqaaseqaataat	5
1.3.3	Kukkunersiuisut siornatigut oqaaseqaataannut malitseqartitsineq	5
<b>2</b>	<b>SULIFFEQARFIUP ANINGAASAQARNIKKUT INISSISIMANERATA NALILIFFIGINEQARNERA</b>	<b>5</b>
2.1	AALLAQQAASIUT	5
2.2	ATASINNAASUMIK INGERLATSINERUP NALILIFFIGINEQARNERA	5
2.3	TIGORIAANNARNIK SILLIMMATEQARNEQ	5
2.4	EQIKKAANEQ AAMMA INERNILIINEQ	6
<b>3</b>	<b>KUKKUNERSIUINERMI PERIUTSIT ATORNEQARTUT</b>	<b>6</b>
3.1	PINGAARUTEQARTITSINERMI QAFFASISSUSEQ	7
3.2	PEQQUSERLUTTULIORTOQARSINNAANERA PILLUGU PISORTAMIK OQALOQATEQARNEQ	7
3.3	NAKKUTILLIINISSAMIK SUUSUPAGINNINNEQ	7
3.4	UKIUP INGERLANERANI KUKKUNERSIINEQ INGERLANNEQARTOQ	8
3.5	INAARUTAASUMIK KUKKUNERSIINEQ	8
<b>4</b>	<b>NAATSORSUUSERINEQ ILLULLU ILUANI NAKKUTILLIINEQ</b>	<b>8</b>
4.1	SULERIAATSIT ALLAASERINEQARNERAT	8
4.2	AKILIGASSANIK SULIAQARNEQ, SULIASSAQARFINNIK AVISSAAQATITSINEQ ILLULLU ILUANI NAKKUTILLIINEQ	9
<b>5</b>	<b>AKISSARSIAT SULISOQARNERMULLU TUNNGASUT</b>	<b>10</b>
5.1	SULERIAATSIT SULIANILLU KUKKUNERSIINEQ	10
5.2	AQUTSISUNUT AKISSARSIAT	10
<b>6</b>	<b>INATSISIT ATUUTSINNEQARNERANNIK KUKKUNERSIINEQ PISORTALLU INGERLATSIVIINI INATSISIT MALILLUGIT KUKKUNERSIINEQ, PISORTAQARFINNI KUKKUNERSIUINERMUT NAJOQQUTASSAT MALILLUGIT (SOR 6 AAMMA 7)</b>	<b>10</b>
6.1	SIUNERTAQ	10
6.2	KUKKUNERSIUINERUP ANNERTUSSUSIA INGERLANNEQARNERANU	11
6.3	INATSISIT ATUUTSINNEQARNERAT PILLUGU KUKKUNERSIUINERUP INERNERA	11
6.4	PISORTAT INGERLATSINERANNIK KUKKUNERSIUINERUP INERNERA	11
<b>7</b>	<b>SULIFFEQARFIUP QARASAASIARSORNERMINIK NAKKUTILLIINERATA KUKKUNERSIORNEQARNERA</b>	<b>11</b>
<b>8</b>	<b>UKIUMOORTUMIK NAATSORSUUTIT KUKKUNERSIORNEQARNERAT</b>	<b>12</b>
8.1	NAATSORSUUTIT ILUSILIGAANERAT IMARISAALLU	12
8.1.1	Aqutisut nalunaarutaat	13
8.1.2	Ukiumoortumik naatsorsuutitut kukkunersiorneqarnerannut inerniliineq	13

8.2	ISERTITAT	14
8.2.1	Aningaasaliissutit	14
8.2.2	Sullissinernik tuniniaaneq	14
8.3	AKISSARSIAT AKISSARSIARITINNEQARTULLU	14
8.4	OQIMAAQATIGIISSITSINEQ	14
8.4.1	Tamanut tunngatillugu	14
8.4.2	Sanaartukkanik pigisat nalillit	15
8.4.3	Kaaviiartitsinermi pigisat	15
8.4.4	Namineq aningaasaatit	16
8.4.5	Akiitsut	16
8.4.6	Oqimaaqatigiissitsinermik kukkuneruinermit inerniliineq	16
8.5	AKIITSOQARFIIT ILISIMANNGISAT	17
<b>9</b>	<b>KUKKUNERSIUISUTUT NALUNAARUTIT AAMMA NAATSORSUKKAT UPPERNARSAASIKKAT IL.IL.</b>	<b>17</b>
9.1	SULIASSAT ALLAT	17
<b>10</b>	<b>AQUTSISUT NAATSORSUUTIT PILLUGIT UPPERNARSAANERAT</b>	<b>17</b>
<b>11</b>	<b>KUKKUNERSIUISUP UPPERNARSAANERA</b>	<b>17</b>
<b>ILANNGUSSAQ 1, KUKKUNERSIUISUT UPPERNARSAATAAT - KUKKUNERSIINEQ PILLUGU INERNILIINEQ</b>		
	<b>18</b>	
<b>ILANNGUSSAQ 2, PILERSAARUTIT MALITSEQARTITSINISSARLU - INGERLATSINERMIK</b>		
	<b>KUKKUNERSIINEQ AAMMA INATSISIT ATUUTSINNEQARNERINIK KUKKUNERSIINEQ</b>	<b>22</b>
<b>ILANNGUSSAQ 3 IVERTINNEQARNERMI NALUNAARUT</b>		<b>23</b>

# Inatsisartunut

## 1 2025-MUT UKIUMOORTUMIK NAATSORSUUTIT KUKKUNERSIORNEQARNERINUT INERNILIINEQ

### 1.1 AALLAQQAASIUT

Nukissiorfiit 2025-mut naatsorsuutaanik kukkunersiuineq BDO Statsautoriseret revisionspartnerselskabip ulloq 30. aprili 2025 naammassivaa.

Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersoq naapertorlugu kukkunersiuineq ingerlanneqartoq pillugu matumuuna nalunaaruteqassaagut.

Kukkunersiuinermut ilaatinneqarpoq Nukissiorfiit ukiumut naatsorsuusiortiusumut 1. januaari - 31. decembari 2025-mut ukiumoortumik naatsorsuutit, tamatumunnga ilaallutik angusat naatsorsornerat, oqimaaqatigiissitsineq, akiliisinnaassutsimik naatsorsuineq nassuiaatillugu, tassunga ilanngullugu naatsorsuusiortiaaseq atorineqartoq.

Kisitsisit pingaarnerit (mio. kr.):

	2025	2024
<b>Naatsorsuutit naatsorsorneqarnerat</b>		
Ukiumi angusat.....	-32.730	-60.237
<b>Oqimaaqatigiissitsineq</b>	<b>2025-p naanerani</b>	<b>2024-p naanerani</b>
Aningaasaatit tigorianaanaat	12.636	4.324
Pigisat katillugit.....	3.090.557	3.074.813
Nammineq aningaasaatit .....	1.314.202	1.346.933

Kisitsisit (+)-itallit = sinneqartoortit/pisassarisat  
Kisitsisit(-)-tallit = amigartoortit/akiitsut

### 1.2 KUKKUNERSIUISUT UPPERNARSAATAAT - KUKKUNERSIUIINEQ PILLUGU INERNILIINEQ

Kukkunersiuinitsinni pissutsinik naammattuugaqanngilagut ima sunnuteqartigisunik, tamakku ukiumoortumik naatsorsuutini kukkunersiuissup uppernarsaanerani ilaatinneqartariaqartunik, taamaattumillu ukiumoortumik naatsorsuutit uppernarsarusuppagut nangaassutitaqanngitsunik.

Kukkunersiuinermi atsiorneq Kalaallit Nunaanni pisortani suliffeqarfinnut malitassiaq atuuttoq malinneqarpoq ilanngussamilu 1-imi allaqqinneqarluni.

### 1.3 KUKKUNERSIUISUT OQAASEQAATAAT

#### 1.3.1 Tamanut tunngatillugu

2025-mut ukiumoortumik naatsorsuutini kukkunersiuineq pillugu kukkunersiuissut oqaaseqaataat Inatsisartut Kukkunersiuinermut ataatsimiititaliaannit suliarineqartussatut naatsorsuutigineqartoq immikkoortup 1.3.2-p ataani allassimapput.

Kukkunersiuissutut oqaaseqassanerluta ataavartumik nalilersuisussaataavugut, isumaqarutta

- naatsorsuutininut ilanngunneqarsimasut Inatsisartut aalajangiinerinut naapertuutinngitsut
- inatsisit aalajangersakkallu atuuttut unioqqutillugit iliuuseqartoqarsimasoq
- nalunaarsugaq imaluunniit atuneq inatsisitigut toqqammavissaqarneri nalorninartutut isigigutsigu
- suleriaatsit pilersinneqartut misissornerini malunnaatilimmik nakkutilliiniarnermut amigaateqartut paasineqarpat kukkunersiuissut amigaataasutut paasisaminnik pitsannngorsaanissamik siunnersuusiorsinnaammata

- suleriaatsit allaaserineqartut aamma malinneqarsimassanngippata
- Inatsisartut aamma Naalakkersuisut aalajangiineri aningaasaqarnermut naapertuuttumik isumagineqarsimannngippata.

### 1.3.2 2025-mut ukiumoortumik naatsorsuutitut kukkunerisuisut oqaaseqaataat

2025-mut ukiumoortumik naatsorsuutitut kukkunerisuiueq ingerlanneqartoq aningaasaqarnermik kukkunerisuiernermit tunngatillugu kukkunerisuisut oqaaseqaateqarnissaannik pissutissaqartitsinngilaq.

### 1.3.3 Kukkunerisuisut siornatigut oqaaseqaataannut malitseqartitsineq

Ukiut siuliinit kukkunerisuisut oqaaseqaataannik soqanngilaq.

## 2 SULIFFEQARFIUP ANINGAASAQARNIKKUT INISSISIMANERATA NALILIFFIGINEQARNERA

### 2.1 AALLAQAASIUT

Pissutsit aningaasaqarnikkut ineriartornermut pingaarutillit ataani allaaserineqartut pillugit pingaarnerusutigut misissueqqissaarinnermik ingerlataqarpugut.

Suliffeqarfiup aningaasaqarneranik naliliinerput 2025-mut naatsorsuutitut pigineqartunut tunngatillugu aamma 2026-mut missingersuutitut tunngatillugu aningaasaqarneq pillugu paasissutissanik ilaatigut tunngaveqartumik maannakkorpiaq pissutsit qanoq issusiinik takutitsigallarnerunera erseqqissaatigissavarput.

### 2.2 ATASINNAASUMIK INGERLATSINERUP NALILIFFIGINEQARNERA

Atasinnaasumik ingerlatsinerup naliliiffigineqarnera 2025-mut angusat aamma 2026-mut naatsorsuutissatut naatsorsuutigineqartut naliliiffigineqarnerannik tunngaveqarpoq, angusallu erniat ilanngullugit aallaavigineqarput.

Nukissiorfiit 2025-mi 33 mio. kr.-it missaannik amigartooruteqarput - taamatuttaarlu 2026-mi amigartooruteqarnissaq naatsorsuutigineqarpoq.

Akit aalajangersarneqartut Nukissiorfiit aningaasaqarnerat annertuumik aalajangiisuupput, inoqarfinni arlalinni ingerlatsineri aningaasartuutitut atortulersuutitut nalikilliliinerit ilanngullugit naammattumik isertitaqarnissamik qulakkeerinninngitsumik. Aamma Namminersorlutik Oqartussanit tapiissutitut isertitanut taakkununga ilanngullugit naatsorsorneqartutissarsisoqaraluartoq taama inissisimasoqarpoq.

Atortulersuutit pisoqqat taarsernissaannut atortulersuutitut nutaanik aningaasaliinissamut annertuumik nalikilliliinissaq aamma pisariaqarpoq, atortulersuutitut pioreersunik taarsersuinermit aningaasaliinerit isertitaqarnerulernermik kinguneqassanngimmat.

Ukiuni aggersuni akinik qaffaanissaq aalajangerneqarsimavoq, atortulersuutinilli pioreersunik taarsersuinnissamik pisariaqartitsineq eqqarsaatigalugu nalilerneqarpoq Nukissiorfiit aningaasaqarnerat ukiuni aggersuni aamma annertuumik tatisimaneqassasoq.

### 2.3 TIGORIAANNARNIK SILLIMMATEQARNEQ

Nukissiorfiit 13.12.2025-mi aningaaserivimmi kontuni 12 mio. kr.-it missaannik uninngasuuteqarpoq, tamannalu ukiumi 8 mio. kr.-it missaannik qaffaataavoq.

Nukissiorfiilli Namminersorlutik Oqartussani uninngasuutinit tiguisinnaatitaanera eqqarsaatigalugu isiginiagassaavoq, 31.12.2025-mi 80 mio. kr.-it missaannik akiitsoqarluni. Tamanna 31.12.2024-mut naleqqiullugu 47 mio. kr.-it missaannik qaffariarneruvoq.

## 2.4 EQIKKAANEQ AAMMA INERNILIINEQ

Qulaani allaaserineqartut tunngavigalugit naliliinerput tassaavoq suliffeqarfiup aningaasaqarnermik aqutsinera pitsaasoq, suliffeqarfimmilu aningaasaqarnikkut ineriartornerup ingerlaavartumik nakkutiginnissaanut toqqammavissamik illersorneqarsinnaasumik qulakkeerinnittoq.

Suliffeqarfiup aningaasaqarnera tatisimaneqarpoq - ukiunilu aggersuni aamma taamaaginnassaaq. Tamanna minnerunngitsumik atuuppoq suliffeqarfiup sanaartukkatut pigisaata taarsersornissaannut ingerlaavartumik aningaasaliisoqarnissaanik pisariaqartitsineq isiginiaraanni.

## 3 KUKKUNERSIUINERMI PERIUTSIT ATORNEQARTUT

Naatsorsuutini kukkunersiuineq siunertaqarpoq BDO inerniliisinnaaqqullugu, pingaarnepaartaatigut naatsorsuutit suliarineqarsimanersut Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi malittarisassat naapertorlugit, ukiumilu nalunaarusiami suliassaqarfiit misinnartumik kukkuluttorfiusimasinnaanerannik annertuumik ukkassinermik ilaqartumik.

Nalunaarummi aalajangersarneqarpoq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit suliffeqarfik Namminersorlutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqaassasoq, inatsimmi immikkut ittumik malittarisassiorneqarluni.

Ukiumoortumik naatsorsuusiortarneq pillugu inatsimmi aalajangersakkanit nikingassutaasut ukiumoortumik naatsorsuutini naatsorsuuseriaaseq pillugu immikkoortup ataani atuarneqarsinnaapput.

Kukkunersiuineq taamaallaat tunngassuteqarpoq suleriutsinut, ukiumoortumik nalunaarummi misinnartumik kukkuluttuteqarfiusinnaasunut imaluunniit suliffeqarfiup ingerlatsineranut isornartorsiutaasinnaasunut. Matuma saniatigut suliffeqarfik aamma arlalinnik suleriuseqarpoq, suliffeqarfiup ingerlatsineranut sunniuteqartunik, ukiumoortumilli nalunaarusiamut paasissutissanik katersinermi annertunerusumik pingaaruteqanngitsunik.

Kukkunersiuinermi ilaatigut ukiumut nalunaarusiat eqqortuunersut misissorneqassapput, aamma pissutsit naatsorsuutini saqqummiussinermi pineqartut aningaasaliissutinut, Inatsisartut aamma Naalakkersuisut aalajangiinerinut allanut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunersut misissorneqassallutik.

Kiisalu nalilersorneqartarpoq Inatsisartut aamma Naalakkersuisut aalajangersagaat aammalu suliffeqarfimmi ingerlatsiveqarfimmi susassaqarfiit allat, aningaasaqarneq eqqarsaatigalugu tulluurtumik ingerlanneqarnerisut.

Kukkunersiuineq ilanngussanik nuusanillu tamanik misissuilluni ingerlanneqarneq ajorpoq, misiligutinilli tiguisarluni uppersaatinik misissuinnikkut imaluunniit allatut iliorluni naatsorsuuserineq uppersarneqartarluni ukiumullu naatsorsuutit eqqortumik suliassimanersut paasiniarlugit ingerlanneqartarluni. Tamatumunnga atatillugu illup iluani nakkutilliinermik suleriutsit atorneqartut misilerartarpat, tamanna ukiumoortumik nalunaarummik kukkunersiuinitsinnut pisariaqartikkaangatsigu.

Suliffeqarfimmi ingerlatsineq annertunertigut suleriaatsinik systeminit ikorfartorneqartunik tunngaveqarpoq. Taamaattumik immikkoortuni pingaaruteqarnerusuni periarfissaatillugu nakkutilliinerulluni kukkunersiuinermi periuseq piareersarnikuuarput, paarlattuanik killilimmik imaqtumik aallaavilimmik iliutsit suliarineqartarlutik.

Kukkunersiuineq ilaqarpoq suliassaqarfiit pingaarutillit tamaasa misissuiffiginerini, tamakkunanilu suleriaatsit illullu iluani nakkutilliinernut tunngassuteqartut.

Naatsorsuutit immikkuualuttuinut allanut ukiumoortumik nalunaarummi kukkuluttuutaasinnaasut nalinginnaasutut nalilerneqarput, tamakkunatigullu kukkunerisuineq annikinnerusimalluni.

### 3.1 PINGAARUTEQARTITSINERMI QAFFASISSUSEQ

Kukkunerisuinissamat pilersaarusionermini BDO-p aalajangertarpaa, pingaaruteqartitsinermi qaffasissusissaq akuerineqarsinnaasoq, aningaasartalinnik pingaarutilitsigut kukkusumik paasissutissiinissaq qulaarniarlugu. Aningaasap annertussusia (kvantitativ) sumullu tunngasuunera (kvalitativ) tunngavigalugu kukkusumik paasissutissaq nalilerneqartarpoq.

Pingaaruteqartitsinermi qaffasissusissaq naatsorsuutini atorneqartussaq aalajangerneqartarpoq, kukkunerisuinerullu pilersaarusionerani naammassineranilu atorneqartarluni.

Pingaaruteqartitsinermi qaffasissusissaq pilersaarusionitsinni pingaaruteqartarpoq susassaqarfinni aalajangersimasuni kukkunerisuinerup qanoq annertutiginnissaanut. Susassaqarfiit pingaaruteqartitsinermi qaffasissusissamik amerlanerusunik aningaasartallit tamarmik kukkunerisiorneqassapput.

Pingaaruteqartitsinermi qaffasissusissaq kukkunerisuinerup naammassinerani pingaaruteqartarpoq, oqaaseqaatitaqanngitsumik uppersaasiinissatsinnut. Kukkusut angisooq naatsorsuutini ikkusimaffimmut aalajangersimasumuinnaq attuumassuteqarpat, taava naatsorsuutini taanna kisiat oqaasertaliiffigalugu uppersaasiisoqarsinnaavoq.

Aammattaaq pissutsit ukiumoortumik naatsorsuutini iluarsiiqqineqarsimannngitsut pillugit Inatsisartut ilisimatissavagut.

2025-mut naatsorsuutini saqqummiussinermut atatillugu pissutsinik taama ittunik iluarsineqarsimannngitsunik naammattuugaqanngilagut.

Kukkunerisuinerup aaqqissuunera ingerlanneqarneralu aammalu pisortaqatigiit kukkunerisuusullu suliassaat akisussaaffigisaallu pillugit ivertinneqarnermi nalunaaruteqarnerput innersuussutigissavarput (ilanngussaq 3).

### 3.2 PEQQUSERLUTTULIORTOQARSINNAANERA PILLUGU PISORTAMIK OQALOQATEQARNEQ

Kukkunerisuinerup ingerlanerani pisortat aperisimavagut peqquserluttuliorqarsimaratarinnaanera pillugu. Aqutsisut uagutsinnut ilisimatitsissutigaat suliffeqarfik aqutsisut naliliinerat naapertorlugu nakkutilliissuteqartoq ukiumoortumik naatsorsuutit paasissutissanik kukkusunik pingaarutilinnik imaqsinnaaneraniq qulaajaasussamik, tassunga ilanngullugu peqquserluttuliorqarnerata malitsigisaanik kukkusumik paasissutissiisoqarneranik.

Aqutsisunit aamma paasissutissiissutigineqarpoq peqquserluttuliorqarsimaneraniq imaluunniit peqquserluttoqarsimasorinninnermik misissuisoqarneranik ilisimasaqaratik kukkunerisuusumut ilisimatitsissutigineqartut saniatigut aammalu naatsorsuutininut saqqummiunneqartunut sunniuteqanngitsoq.

### 3.3 NAKKUTILLIINISSAMIK SUUSUPAGINNINNEQ

Aqutsisut nakkutilliinissamat periarfissaasumik qaangiisinaanerisa kingunerisaanik ukiumoortumik naatsorsuutininut tunngatillugu annertuumik kukkusoqarsinnaanerata ilimanartoqarsinnaaffii qulaajaaffiginissaat siunertaralugu, kukkunerisuilluta ukuninnga suliaqarpugut:

- Suliffeqarfiup aningaasanik isertunik anisunillu nalunaarsuiffiani ukiup ingerlanerani nalunaarsukkanik misissuivugut, pissusissamisunnngitsunik nalunaarsuineranik, suliffeqarfiullu nalinginnaasumik ingerlatsineranut attuumassuteqanngitsunik misissuisimalluta
- nalunaarsuinerit annertuut iluarsinerillu allat, naatsorsuutininut naammassinninnermut atatillugu, tigusillattaariffigalugit misissuiffigisimavagut

Annerusumik piffissamik kukkusumik nalunaarsuinernik, nalunaarsuinernik pissusissamisuunngitsunik imaluunniit suliffeqarfiup nalinginnaasumik ingerlatsineranut attuumassuteqanngitsunik nalunaarsuinernik, kukkunersemiunitsinnut atatillugu takusaqarsimanngilagut.

Taamaattumik illup iluani nakkutilliinernik suusupaginnittoqarsimanera takussutissaqartingilarput.

### 3.4 UKIUP INGERLANERANI KUKKUNERSIUNEQ INGERLANNEQARTOQ

Ingerlaavartumik kukkunersemiineq pisimavoq ukiup ingerlanerani suliffeqarfimmut misissuiartornikkut. Ingerlaavartumik kukkunersemiinerup siunertaraa, pisut nalaanni susassaqtullu peqatigalugit kukkunersemiinissaq, periarfissiisoq pitsanngorsaataasinnaasunik siunnersuuteqarnissamut, aningaasartuutaasinnaasut navialiffiusinnaasullu soorunami ilanngullugit eqqarsaatigalugit, kiisalu qulakkeerumallugu suliffeqarfiup naatsorsuutaasa isumannaatsumik tunngavissagissaarlunilu suliarineqarsinnaanerit.

Suliffeqarfiup suleriaasii misissuiffigisimavagut, paasiniaarlugu ukiumoortumik naatsorsuutini sumi annertuumik kukkunissamut periarfissaqarnersoq. Paasisaqarutta tamakku saqqummiutissavagut, suliffeqarfiup paasiniassammagu kukkunersemiinerup tungaatigut immaqalu naatsorsiornerup tungaatigut kinguneqassanersut.

Ingerlaavartumik kukkunersemiinermi suliffeqarfimmi illup iluani nakkutilliinermi periutsit, IT-mik atuilluni nakkutilliinerit aamma immikkoortortaqaqarfinni immikkut toqqarlugit suleriaatsit misissuiffigisimavagut. Pingaartuutissimavarput aqutsineq siulersuinerlu aallaavigalugit kukkunersemiinermik ingerlatsissalluta, taamaaliornitsigullu suliffeqarfimmi siunertat periutsillu aqqissuunneqarsimasut ukkassimavagut, kiisalu periutsit siunertallu tamakku periaatsinit aqqissuussaasunit aqutsisuniillu nakkutigineqarnersut.

### 3.5 INAARUTAASUMIK KUKKUNERSIUNEQ

Kukkunersemiinermik naammassisap siunertarivaa, ukiup ingerlanerani kukkunersemiinermi naammassisamik tunngaveqartumik inerniliussaasut il.il. sul. atuuttuunissaasa uppersarneqarnissaat.

Inaarutaasumik kukkunersemiinerup ilanngullugu siunertaraa, suliffeqarfiup naatsorsuutaasa annertuumik kukkuneqannginnissaasa qulakkeernissaat.

Tassa imaappoq, ukiumoortumik naatsorsuutit pingaarutilinni tamani eqqortuusut, tassalu Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi malittarisassat naapertorlugit suliarineqarsimasut.

## 4 NAATSORSUUSERINEQ ILLULLU ILUANI NAKKUTILLINEQ

### 4.1 SULERIAATSIT ALLAASERINEQARNERAT

Suliffeqarfiup suleriaatsinik aamma illup iluani nakkutilliinernik allaaserisai misissorpagut. Taamatuttaarlu naliliiffigaarput suliffeqarfiup allaaserisai aningaasanik aqutsineranik, karseqarneranik naatsorsuuseriveqarnissaalu pillugu malittarisassat pillugit sinaakkutissanik maleruagassanillu nalinginnaasumik atorveqartunik naammassinninersut.

#### Inerniliineq

Isumaqarpugut allaaserineqartut pisariaqartut ilaatigut suliffeqarfiup karseqarnermut naatsorsuuseriveqarnermullu sinaakkutissai malittarisassaalu allaaserineqarsimasut, tassunga ilanngullugit illup iluani nakkutilliinerit aqutsisullu nakkutilliinerisa qaffasissusiat.

Immikkoortuni tullerni nakkutilliinerit suleriaatsillu pingaarutillit ulluinnarni qanoq ingerlasarnersut misilerarparput.

#### 4.2 AKILIGASSANIK SULIAQARNEQ, SULIASSAQARFINNIK AVISSAAQQATITSINEQ ILLULLU ILUANI NAKKUTILLINEQ

Suliffeqarfiup pisiniarnerni illup iluani nakkutilliisarneri suleriusaalu, matumani ilanngullugu akiligassat allagartaannik suliaqarnermi suliffeqarfiup malittarisassat suleriaasissat allaaserineqarnerini aalajangersarneqartut malinnerai sukumiisumik samminiarlugit qinersimavarput.

Allaaserisat suliffeqarfimmi elektroniskiusumik akiligassat allagartaannik suliaqarnermi tunngaviusumik maleruaqqusanik makkuninnga imaqarput:

- Uppernarsaatissat tamarmik tunngaviatigut inunnit marlunnit akuerineqartartussaapput. Suliassa qarfiilli ilaanni ataqatigiissitamik tiguisussamut akiligassanik atsiuisoqartarpoq, missingersuutitut pisariillisakkamik malitseqartitsinermik pilersitsisoqarsimatillugu, tamatumanilu suliassa qarfimmi pineqartumi tunisassiornermut tigussaasunik aningaasatigullu tunngavissanik ingerlaavartumik nalilersuisoqartarluni.
- Missingersuutitut akisussaasoq atuineramik qaammatikkuutaartumik malittareqqiisassaaq tamatumunngalu uppernarsaasiortarluni.

Akiligassanik ataasiakkaanik isumaginninnermi illup iluani nakkutilleeriaatsinik tamakkunanga malinninersut aammalu tulluurtumik isumannaatsumillu aaqqissuunneqarsimanersut misissorparput.

#### **Inerniliineq**

Paasinninnerput malillugu suliffeqarfiup pisiniarnernut suleriaasissai, tassunga ilanngullugit ilanngussanik suliarinnittarneq ataatsimut isigalugu toqqissisimanartumik ingerlalluurtumillu aaqqissuunneqarsimavoq.

## 5 AKISSARSIAT SULISOQARNERMULLU TUNNGASUT

### 5.1 SULERIAATSIT SULIANILLU KUKKUNERSIUINEQ

Sulisunut ataasiakkaanik akissarsiatigut tigulaarilluta kukkunersiuvugut. Akissarsiatigut kukkunersiuinermi siunertaavoq, akissarsianik nalunaaruteqartarneq tunniussisarnerlu toqqissisimanartumik ingerlasarnissaannik qularnaarinninnissaq.

Aningaasarsianik misissuinitanni aallaavigaarput suleriaatsit illullu iluani nakkutilleeriaatsit, aningaasarsiat pilersarnerannut sunniuteqartut, qitiusumi ungataatungaanilu. Tamatuminnga tunngaveqarluta aningaasarsianut tunngasut arlallit suleriutsinut sanilliullugit misilerarsimavagut.

Suleriaatsimi immikkoortup allap ilagaa nutaanik pilersitsinerit tamaasa inunnit marlunnit nakkutigineqarnissaat nalunaaruteqarnissamullu atortussat atorlugit uppersarsaasiorneqarnissaat. 2025-mut akissarsianut suliani misissugassanik tigusilluni misissuineri ingerlanneqartuni akissarsianut suliani tamani nakkutiginninnerup pineqartup uppersarsaasiorneqarnissaat ingerlanneqarsimangilaq.

#### Inerniliineq

Paasineqarpoq akissarsialerivimmi suleriaatsit, kiisalu nakkutilliinerit ingerlanneqarsimasut uppersarsakkat suliffeqarfiup allaaserisimangikkai uppersarsaasernagillu.

Isumaqarpugut taama ittut pigineqartariaqartut.

Akissarsianut suliassaqarfimmi sulianik suliarinnittarnermi pitsaassutsimik nakkutilliinermik aamma ingerlatsisoqarneq ajorpoq.

### 5.2 AQUTSISUNUT AKISSARSIAT

Aqutsisunut akissarsiat misissorpagut ilaatigullu nakkutigalugit,

- atorfininnermi allakkiamik atsiukkat peqarnersoq
- atorfininnermi allakkiaq naapertorlugu akissarsiat inissinneqarsimanerat akissaatinut isumaqatigiisummut atuuttumut naapertuunnersoq
- atorfininnermi allakkiap aamma akissarsiat tunniunneqartut naapertuunnersut
- immikkut akiliutigineqartunut tunniunneqarnerinut uppersarsaatissaqarnersoq
- immikkut akiligineqartoq eqqortumik aningaasartalerlugu tunniunneqarsimangersoq.

#### Inerniliineq

Akissarsianut tunniunneqartunut tunngatillugu kukkunernik pingaarutilinnik nassaartoqanngilaq.

## 6 INATSISIT ATUUTSINNEQARNERANNIK KUKKUNERSIUINEQ PISORTALLU INGERLATSIVIINI INATSISIT MALILLUGIT KUKKUNERSIUINEQ, PISORTAQARFINNI KUKKUNERSIUINERMUT NAJQQUTASSAT MALILLUGIT (SOR 6 AAMMA 7)

Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017 naapertorlugu kukkunersiuneq inatsisitigut pisussaaffigisaq aningaasaqarnikkut kukkunersiuinermik, inatsisit tunngavigalugit isornartorsiulluta kukkunersiuinermik aammalu ingerlaavartumik ingerlatsivinnik kukkunersiuinermik imaqarpoq.

Inatsisit atortinneqarnerat pillugu kukkunersiuneq aamma pisortat ingerlatsiviinik kukkunersiuneq pisarpoq aningaasarsiorneq pillugu kukkunersiuinermut ilanngullugu peqatigitillugulu suliassaqarfinni inatsisitigut aqunneqartussaasuni suliassaqarfinilu pingaaruteqartuni.

### 6.1 SIUNERTAQ

Pisortanut kukkunersiuinermi ("SOR") suliatiqut periutsini aalajangersarneqarpoq, kukkunersiulluni ingerlatsinerup tamakkiisup ilaatut Inatsisit tunngavigalugit kukkunersiuneq aamma Ingerlatsivinnik

kukkunersuiisarnerup iluani pilersaarutitut sammisanut allattukkanut aalajangersimasunut arlalinnut kukkunersuiisartup ukiut tallimanut misissuissaaq. Ukioq manna sammisaq inatsisit atortinneqarnerat pillugu kukkunersuiinerup ataani samminiarlutigu toqqarsimavarput "Akissarsiat atorfinitsitsinermilu aalajangiinerit" aamma pisortat ingerlatsiviini kukkunersuiisarnerup ataani "Suliniutinik isumalluutinillu aqutsineq.

## 6.2 KUKKUNERSUIINERUP ANNERTUSSUSIA INGERLANNEQARNERALU

Inatsisitigut-isornartorsiuinermillu kukkunersuiinerup aamma ingerlatsivimmit kukkunersuiinerup naammassinnaanut suliffeqarfiup akissarsialerinermit suliassaqarfimmi tamakkiisumik ingerlatsineranik misissuivugut.

Atortussanik misissuineq tamatumalu malitsigisaanik apeqqutinik immersugassanik akiortukkanik misissuineq, itisiliillunilu apeqquteqarnerat apeqqutaatit apersuinerillu atorlugit erseqqissarneqarput.

Aqutsisut naleqquttumik aqutsinermit aqqissuussinermik aalajangersaasimanersut, tamannalu aqutsinermit sakkussanit naleqquttunit aningaasarnermillu aqutsinermit naleqquttumit ikorfartugaanersoq misissorparput. Suliffeqarfiup tamatumunnga malittarisassiai naapertorlugit naammattumik aningaasaliisoqarsimaneranik qulakkeerinninnersoq nakkutigaarput.

## 6.3 INATSISIT ATUUTSINNEQARNERAT PILLUGU KUKKUNERSUIINERUP INERNERA

Misissugassatut tigusiffigisatsinni paasivarput akissarsititsinerit akissaatitigut isumaqatigiissutit isumaqatigiissutillu atuuttut naapertorlugit ingerlanneqarsimasut.

Misissugassatut tigusiffigisat aallaavigalugit paasinninnerput naapertorlugu suliffeqarfiup aningaasarsiatigut aamma atorfeqartitsinikkut inissisimaffii isumaqatigiissutaasartut atuuttut isumaqatigiissutaasartullu allat atuuttut piumasaqaataasunut naapertuupput. Tigulaarinnilluni misissukkani kukkunernik amigaatinillunniit annertuunik nassaangilagut.

Misissuineq inassuteqaateqarnissamut pissutissaqartitsinngilaq.

## 6.4 PISORTAT INGERLATSINERANNIK KUKKUNERSUIINERUP INERNERA

Suliffeqarfiup akissarsianut suliassaqarfimmi missingersuutinik aqutsinerata misissorneqarnera tunngavigalugu aqutsineq pisuussutinik nalilinnik atuinermut tunngatillugu pingaarnerusutigut illersorneqarsinnaasutut isigineqarsinnaavoq.

Naliliinerput malillugu aningaasaqarnermik ingerlaavartumik aqutsineq, missingersuutinik malittareqqiinerit kvartalikkuaartut ilanngullugit, sammisanik pisuussutinillu nalilinnik aqutsinermit ikorfartuupput pisuussutinik nalilinnik sipaarniarfiusumik, angusaqarfiulluurtumik sunniuteqarluurtumillu atuinermut tunngatillugu.

Misissuineq inassuteqaateqarnissamut pissutissaqartitsinngilaq.

## 7 SULIFFEQARFIUP QARASAASIARSORNERMINIK NAKKUTILLIINERATA KUKKUNERSIORNEQARNERA

### Kukkunersuiinermit ingerlanneqartumut nassuiaat

2025-mut kukkunersuiinerup ilaatut Nukissiorfinni it-p iluani suleriaatsinik illullu iluani nakkutilliinernik kukkunersuiineq ingerlapparput.

Kukkunersuiinermit ilaapput suliffeqarfiup it-systeminut it-mik nakkutilliinerit suliffeqarfiup naatsorsuuserineranut naatsorsuutinillu saqqummiussineranut attuumassuteqartut.

### Kukkunersuiinerup annertussusia

Kukkunersiuinermut ilaapput suliffeqarfiup it-systeminut it-mik nakkutilliinerit suliffeqarfiup naatsorsuuserineranut naatsorsuutinillu saqqummiussineranut attuumassuteqartut.

2025-mi kukkunersiuinermit suliaasaqarfiit makku iluini nakkutilliinerit immikkut toqqakkat ilaatinneqarput:

- Xellent Axapta: Pisiniarnermut, allannguinermut malinnaatitsinermullu, isertunut isumannaallisaanermut, tassunga ilanngullugit atuisunik aqutsinermut, atuisutut pisinnaatitaaffinnut, isertunik nakkutilliinermut namminerlu pisartumik datanik suliarinninnermut suleriaatsit nakkutilliinerillu.
- Lessor: Pisiniarnermut, allannguinermut malinnaatitsinermullu, isertunut isumannaallisaanermut, tassunga ilanngullugit atuisunik aqutsinermut, atuisutut pisinnaatitaaffinnut, isertunik nakkutilliinermut namminerlu pisartumik datanik suliarinninnermut suleriaatsit nakkutilliinerillu.
- Microsoft AD: Patchmanagementimut suleriaatsit nakkutilliinerillu, tassunga ilanngullugit atuisunik aqutsineq, isertunik nakkutilliineq systemimillu aqutsineq.
- Attaveqaatit isumannaassusiat, tassunga ilanngullugit attaveqaatit immikkoortiterneri, sooranarsinnaanut kalerrisaarutit, ungasianit isersinnaaneq aamma servereqarfirmut ornigulluni isersinnaaneq.
- Data backup, tassunga ilanngullugu akulikitsumik ingerlanneqartarnissaa aammalu datanik pilersitseqqittoqarsinnaanera.

### Inerniliineq pingaarneq

Isumaqaarpugut suliffeqarfiup illup illuni it-mut nakkutilliinerit naleqquttunik ilaatigut atulersitsisimasooq, taakkulu paasisutissat innarligassaanginnerannik aamma data isumannaallisarnissaannik qulakkeerineqataasut it-systemit naatsorsuuserinermut naatsorsuutinillu saqqummiussinermut tunngatillugu suliarisartagaannik.

Kukkunersiuinitsinni paasivarput suleriaatsini illullu iluani nakkutilliinerit kukkunersiuinermut tunngatillugu pingaarutilinnik amigaateqartoq, taakkulu inassutigineqartut tullingguuttut atorlugit iluarsineqarsinnaapput:

Inassutigissavarput suliffeqarfiup atuisunik aqutsinermut ingerlaatsinik tamarmiusunik misissuillunilu nalilersuissasooq - tassunga ilanngullugu pilersitsisarnermik, atorunnaarsitsisarnermik, atuisunik ingerlaavartumik nakkutilliisarnermik aammalu aqutsisutut pisinnaatitaaffiit sulisunut tunniunneqartut piffissalersukkamik misissuisarnermik, tassunga ilanngullugu aqutsisutut pisinnaatitaaffiit sulisunut sulinermut atatillugu erseqqissumik pisariaqartitsisunut taamaallaat tunniunneqartarnissaat qulakkeerineqassasooq.

Tamatuma saniatigut nakkutilliinerimut atatillugu mianerisassanik misissuinerit ingerlanneqarnerinut uppersaateqannginnera aamma kalerrisaaruteqannginnera, databackupimut atatillugu restoretesteqannginnera, kiisalu attaveqaatinut atassusernermi isissutissanut piumasaqaatit naammangitsut paasivarput.

Pissutsit kingullertut taaneqartut suliffeqarfiup 2025-mut ukiumoortumik naatsorsuutaanut tunngatillugu annertuunik kukkunernik kinguneqartitsinissamut aarlerinaatinik kinguneqassanngitsut nalilerneqarpoq.

It-mik atuinermut tunngatillugu naammattumik isumannaallisaasoqarnissaa qulakkeeriarlugu 2026-mi tamanna malittareqqinniarparput.

## 8 UKIUMOORTUMIK NAATSORSUUTIT KUKKUNERSIORNEQARNERAT

### 8.1 NAATSORSUUTIT ILUSILIGAANERAT IMARISAALLU

Suliffeqarfiup naatsorsuutinik saqqummiussinera Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imi malittarisassat naapertorlugit ingerlanneqarsimanersoq misissorparput.

Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit, inatsisillu immikkut ittut malillugit malittarisassiorneqarluni suliffeqarfik Namminersorlutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq.

Ukiumoortumik naatsorsuusiortarneq pillugu inatsimmi aalajangersakkanit nikingassutit ukiumoortumik naatsorsuutini naatsorsueriaaseq atorneqartut pillugu immikkoortumi immikkut allaaserineqarput.

Suleriaatsit illullu iluani nakkutilliinermik aaqqissuussinerit, qarasaasiatigut nakkutilliinerit ilanngullugit, suliffeqarfiup atulersissimasai ukiumoortumik naatsorsuutininut naatsorsuutitigut tunngavissat tulluurtut qulakkeerumallugit misissorpagut.

Misissuinitisinni nalilersorsimavarput, suliffeqarfik naammattumik qulakkeerinninniarsimanersoq eqqortumik naatsorsuusiornissaq pillugu, suleriaatsit, akisussaaffiliinerit, aqutsisut nakkutilliinerinik atuilluni, ilanngullugit atortuutininut pilersaarutit aqutseriaatsillu allat.

Pisariaqartumik immikkoortitereqqinnissat paasineqarnissaannut naatsorsorneqarnissaannullu tulluurtumik tunngavissamik pigisaqartoqarnersoq paasiniarnikuuarput.

Ukiumi kingullermi naatsorsuutininut sanilliullugu suliffeqarfimmi naatsorsuutininik suliaqartarnermik allannguisoqarsimanersoq naliliiffigaarput, taamaattoqarsimappallu allannguutit Naalakkersuisunit akuerineqarsimanersut.

Aammattaaq allannguutit ingerlanneqartut Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imut naapertuunnersut, aammalu naatsorsuutininik saqqummiussinerimi naammattumik erseqqissarneqarsimanersut nalilersuiffigineqarpoq.

#### 8.1.1 Aqutsisut nalunaarutaat

Ukiumoortumik naatsorsuutininik kukkunersiuiunitsinnut atatillugu akisussaaffigaarput aqutsisut nalunaarutaat atuassallugu tassungalu atatillugu aqutsisut nalunaarutaata ukiumoortumik naatsorsuutininut imaluunniit uagut kukkunersiuiunitsinni ilisimalikkatsinnut naapertuulluarnersoq imaluunniit allatigulluunniit kukkusumik paasissutissiinermik annertunerusumik imaqarnerisumaliutigissavarput.

Tamatuma saniatigut akisussaaffigaarput aqutsisut nalunaarutaat inatsisit attuumassutillit naapertorlugit paasissutissanik piumasarineqartunik imaqarnerisumaliutigissallugu.

Tassungalu atatillugu paasivarput suliffeqarfiup nassuiaataani arlalinnik amigaateqartoq pingaartumik inuiaqatigiinnut akisussaassuseqarnermut, avatangiisinut sunniuteqarnermut il.il. pissutsit pillugit.

Amigaatit pineqartut aqutsisoqatigiinnut nalunaarutigineqarput 2026-mullu ukiumoortumik naatsorsuutininut naleqquttumik annertussusilimmik iluarsiiisuteqarfiginissaat isumaginiarneqarpoq.

Naliliivugulli amigaatit pineqartut aqutsisut nalunaarutaata imarisaanik ataatsimoortumik naliliinermut pingaaruteqanngitsut.

#### 8.1.2 Ukiumoortumik naatsorsuutit kukkunersiorneqarnerannut inerniliineq

Suliffeqarfiup naatsorsuutininik saqqummiussinissamut piffissamut pilersaaruteqarnera paasivarput naatsorsuutinillu eqqortumik saqqummiussinissap qulakkeernissaanut suliassanik agguataarisooqarsimalluni.

Isumaqarpugut suliffeqarfiup naatsorsuutininik saqqummiussinera naatsorsuutininik saqqummiussinissamut malittarisassat atuuttut naapertorlugi ingerlanneqarsimasoq.

## 8.2 ISERTITAT

### 8.2.1 Aningaasaliissutit

2025-mut aningaasanut inatsisissaq naapertorlugu aningaasaliissutit tunngaviusut nakkutigineqarput, taamatuttaarlu ilassutitut aningaasaliissutit Namminersorlutik Oqartussat attaveqarfigalugit nakkutigineqarlutik.

Isumaqarpugut aningaasaliissutit naatsorsuutini eqqortumik allattorneqarsimasut.

### 8.2.2 Sullissinernik tuniniaaneq

Innaallagissamik, imermik kiassarnermillu tuniniaaneq uuttortaanermut systeminit paasissutissanik tunngaveqarpoq. Taakkuninnga misissueqqissaarnerit ingerlappagut aammalu suliffeqarfik akiligaasiissuteqartarnermini akigititanik akuerisanik atuisimanersoq misissorlugu.

## 8.3 AKISSARSIAT AKISSARSARITINNEQARTULLU

Ukiumoortumik naatsorsuutit kukkunersiornerini akissarsialerinermit systemimut tunngatillugu suliffeqarfiup akissarsianik akissarsiaritinneqartunillu akiliuteqartarnermi illup iluani nakkutilliinermit suleriaasii il.il. misissorpagut, ilaatigut sulisut namminneq CPR-normuminnut allanullu nalunaaruteqarnissamut periarfissaannut tunngatillugu.

Akissarsialerinermit systemi naatsorsuuserivimmu/ukiuoortumik naatsorsuutininut naligiissarneqarsimanersoq misissorneqarpoq.

Aammattaaq akissarsiat allallu pillugit paasissutissat Akileraartarnermit Aqutsisoqarfimmut tunniunneqartut naligiissarneqarsimanersut misissorneqarpoq, taamatuttaarlu akileraarutinik A-nik allanillu uninngatinneqartunik akiliisoqarlunilu naligiissaarisqaarsimaneranik nakkutilliisoqarpoq.

### Inerniliineq

Naliliinerput naapertorlugu illup iluani nakkutilliinerit toqqassisimanartumik suliffeqarfiullu najoqqutassiai atuuttut naapertorlugit ingerlanneqarput.

Akissarsianut pissutsinut il.il. paasissutissat eqqortut Akileraartarnermit Aqutsisoqarfimmut nuunneqarsimanerat uppersarneqarpoq. Peqatigisaanik ukiumi akileraarutinik A-nik il.il. uninngatinneqartut akilernerneqartullu uppersarneqarput.

## 8.4 OQIMAAQATIGIISSITSINEQ

### 8.4.1 Tamanut tunngatillugu

Inaarutaasumik kukkunersiunitsinni arlalinnik iliuuseqarpugut, suliffeqarfiup pigisai akiitsuilu Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaanni nr. 24, 22. decembari 2017-imeersumi piumasaqaataasut naapertorlugit eqqortumik suliarineqarsimanersut nalilerniarlugu.

Misissuinerput oqimaaqatigiissitsinermi toqqakkanik pineqartunik ilaqarpoq, ilaatigullu makku pillugit misilittaavugut misissuillutalu:

- qulakkeerumallugu suleriaasissiorneqarsimanersoq, oqimaaqatigiissitsinerni pineqartut tamarmik oqimaaqatigiissinneqartarnissaat
- oqimaaqatigiissitsinernik suleriaasit tulluurtumik aqutsisunit nakkutigineqarnerisut
- pineqartut nassuiaasersorneqarsimassasut, uppersaasersorneqarsimallutik, uuttorneqarsimallutik maleruagassat atuuttut naapertorlugit
- aningaasat tigoriaannaatit eqqortumik ilanngunneqarsimanersut eqqortumillu piffissalersugaanersut
- akiitsulinnit pissamaatit eqqortumik ilanngunneqarsimanersut eqqortumillu piffissalersugaanersut

- nammineq aningaasaatit agguataarsimanersut, nalunaarsorsimanersut eqqortuunerannillu uppersaaserneqarsimanersut
- akiitsut pisussaaffiit eqqortumik ilanngunneqarsimanersut piffissamut eqqortumut.

#### 8.4.2 Sanaartukkanik pigisat nalillit

Suliffeqarfiup sanaartukkanik pigisai nalillit misissorpagut. Ima paasillugu suliffeqarfiup sanaartukkanik pigisaanik nalilinnik tigussaasunik pissarsineq, pigisaqarunnaarneq aamma appartitsineq/nalikilliliineq.

##### **Naliusunik aalajangersaarneq**

Sanaartukkanik pigisanik nalilinnut appartitsinernik misileraanermik aamma nalikilliliinernik taakkununga atasunik immikkut ukkataqarpugut. Naatsorsuusioriaaseq atorneqartoq naapertorlugu sanaartukkanik pigisat nalikillineqassapput sanaartukkat inoqarfimmi pilersinneqareersimappata imaluunniit sanaartorneqartussanngorpata, tamatumanilu inoqarfimmi pilersueriaatsimit pineqartumit isertitat aningaasaliinermut matussutaasinnaangippata.

Sanaartukkanut atulersinneqartunut tunngatillugu ukiumi ataatsimut 95,7 mio. kr.-inik appartitsinermut ingerlanneqartumut aammalu sanaartornermik aningaasaliinernut ingerlasunut ilassutitut ilanngaaseereerluni 3,3 mio. kr.-inik appartitsinermut tunngavissaq misissorparput.

##### **Piginnittuuneq**

Illuutitut pisinnaatitaaffinnik eqqartuussivikkoortumik nalunaarsukkanik misissuinitinni paasivarput Nukissiorfiit illuutaanut tunngatillugu eqqartuussivikkoortumik nalunaarsuineq sumiiffiit tamakkerlugit eqqortumik nalunaarsorneqarsimanngitsoq. Illuutit qanga danskit naalagaaffiannit Namminersornerullutik Oqartussanut tunniunneqarsimasut aamma/imaluunniit GTO-mik imaluunniit Nunatek-imik taaguuteqartinneqartut pineqarput. Illuutit aqqissuussaanerit taakku akornanni nuunneqarnerini nuussinerup eqqartuussivikkoortumik nalunaarsorneqartarsimanera qaqutigoorpoq.

Eqqartuussivikkoortumik nalunaarsuineq isumannaarsaataaginnarpoq taamaattumillu aamma piginnittuunermik ersersitsisuunani, taamaakkaluartorli tingbogini nalunaarsuinerit misissorneqarnissaat aammalu nunaminertanik atugassanngortitanik il.il. eqqortumik nalunaarsuisoqarnissaanik qulakkeerinnittoqarnissaa inassutigissavarput.

##### **Kinguaattoorutit**

Nukissiorfiit ukiopassuit ingerlanerini atortulersuutininik pioreersunik taarsersuinerput aningaasaliisarnerat akigititat aalajangersarneqartut aamma ingerlatsinerup pilersitaata sunik periarfissiinera aallaavigalugu annertussuilerneqartarpoq.

Tamanna atortulersuutininik pioreersunik taarsersuinissamik pisariaqalernera ilutigalugu periarfissaqartitsisimangilaq.

Ilaatigut atortulersuutininik pioreersunik pisariartunik taarsersuinissamut periarfissat pitsanngorsarniarlugit akigititanik ukiuni tullerriaani arlalinni 7 pct.-inik qaffaasoqarnissaanik aalajangiisoqarpoq. Tamannali pisariaqartinneqartup matussusernissaanut naammannissaa ilimanangilaq - naak qanoq pisariaqartitsivissortoqarnera nalilersoruminaakkualartoq.

Nukissiorfiit 2026-mi aningaasaliinermut pilersaarummik suliaqartussanngornera paasivarput, taamaaliornikkut pisariaqartitsinerup piviusumik takulluarneqarsinnaanissaa anguneqarsinnaanngortinneqassalluni.

##### **Inerniliineq**

Sanaartukkanik pigisanik nalilinnik misissuinerput oqaaseqaateqarnissamik pissutissaqartitsinngilaq.

#### 8.4.3 Kaaviiartitsinermit pigisat

Kaaviiartitsinermi pigisat pingaarnerusutigut tassaapput pisassarisat, piffissanut killiliussat aamma aningaasanik tigoraaannarnik uningasuutit.

Suliffeqarfimmut akiligassalittut nalunaarsorsimasut misissorpagut, tamungaannarlu tigusiffigisarlugit misiligutinik aallerfigisarlugit. Akiligassallit misissorneqarnerisa kingorna paasinninnerput naapertorlugu 2025-p naalernerani akiligassallit eqqortumik ilanngunneqarsimasutut isigineqarsinnaapput.

Aningaaserivimmut piffissap iluani suliat 31. decembari ikkunneqarsimanersut, aningaaseriviullu nalunaarsugaanut oqimaaqatigiissinneqarsimanersut misissorpaput. Aningaaserivimmit sullissinerup takussutissartaanik pissarsiniarpugut.

#### 8.4.4 Nammineq aningaasaatit

Nammineq aningaasaatit tassaapput suliffeqarfiup aningaasanik naliliutai, akiitsut ilanngaatilugit.

Nammineq aningaasaatigisat katinnerat ilanngunneqarsimanersoq aammalu 2025 naalernerani oqimaaqatigiissitsinermi eqqortumik takutinneqarnersoq misissornikuuarpud.

#### 8.4.5 Akiitsut

Akiitsut piffissap sivikitsup iluani akilernerqartussat pillugit oqimaaqatigiissitsinerit misissorpagut, akiligassallu allagartaat taamungaannaq tigusiffigisarlugit misilittarlutigit, takujumallugu eqqortumik piffissalersugaanersut, akiligassaq suliffeqarfimmut attuumassuteqarnersoq, aammalu akilernerqarsimanersoq.

Ullormi 31.12.2025-imi kontuni pineqartuni 13 mio. kr.-it uningasuutiginarput. Naatsorsuuserinermi teknikkimut tunngatillugu taakku akiligassaqaarfimmut piffissalersukkamik aningaasartuutitut aamma pilersuisunut akiitsutut suliarineqarsimasariaqaralarput. Kontumi allattukkat misiligutissanik tigusisarlugit misissorpagut, naliliinerpullu tassaavoq akiligassanik pingaarutilinnik 2025-mi aningaasartuutitut ilanngunneqartariaqarsimasunik soqanngitsoq.

#### 8.4.6 Oqimaaqatigiissitsinermik kukkuneruinermit inerniliineq

Killiffilersuinermit kontut oqimaaqatigiissarneqarsimanissaat isummerfigineqarsimasoq paasineqarpoq tassunga ilanngullugu kina oqimaaqatigiissaarissanersoq, aammalu kina oqimaaqatigiissaarinerit ingerlanneqarnerinik nakkutilliinissamut akisussaasuunersoq.

Aammattaaq oqimaaqatigiissaarinerit qanoq akulikitsigisumik suliarineqartarnissaat isummerfigineqarpoq.

Paasineqarpoq naligiissaarinerit ataasiakkaat suliarineqartanngitsut naligiissaarinissamullu piffissaliussat isumaqatigiissutigineqartut naapertorlugit ingerlaavartumik naligiissarneqartanngitsut, taamaaliornikkut inississukkanik ingerlaavartumik torersaasoqarlunilu killiffimmi inissimasussaanningsunik kontunut inissitsiterisussanngorlugu.

Isumaqaarpugut killiffilersuinermit kontut ingerlaavartumik naligiissarneqartariaqartut eqqortumik tutsuiginarlugit missingersuutitut malittareqqiisoqartarnissaa qulakkeerniarlugit peqatigisaanillu naatsorsuutit naammassinerinut atatillugu ukiup naalernerani inississukkat torersagassat naligiissarneqartussallu amerlassanngimmata.

Tamatuma qulakkeernissaanut suleriaasissamik uppenarsaasiukkamik aammalu tamatumunnga atatillugu uppenarsaasiukkamik aqutsisut nakkutilliinerannik ingerlatsisoqartarnissaanik atulersitsisoqartariaqarpoq.

## 8.5 AKIITSOQARFIIT ILISIMANNGISAT

Naatsorsuutini nalorninartut oqimaaqatigiissitsinermi ilaatinneqarnej ajorput, makkuusinnaallutilli qularnaveeqqusiinerit, attartornermi isumaqatigiissuteqarnikkullu pisussaaffiit.

Suliffeqarfiup pisussaaffii naatsorsuutitut nassuiaatitut naqinneqarnikuusut misissornikuuagut tassungalugu atatillugu aqutsisunit atsiorneqarsimasumik aqutsinermut uppernarsaammik tigusaqarnikuulluta, ilaatigut paasissutissat eqqortuunerinut tamakkiisuunerinullu uppernarsaatitut.

## 9 KUKKUNERSIUISUTUT NALUNAARUTIT AAMMA NAATSORSUKKAT UPPERNARSAASIKKAT IL.II.

Matumani kukkunersiuisutut nalunaaruteqarnitta siullersaraat.

### 9.1 SULIASSAT ALLAT

Suliffeqarfimmut suliassanik allanik ukiumi ingerlatsisoqangilaq.

## 10 AQUTSISUT NAATSORSUUTIT PILLUGIT UPPERNARSAANERAT

Ukiumut naatsorsuutini kukkunersiuiinermut atatillugu pisortaqatigiit uagutsinnut naatsorsuutini uppernarsaanerminni 2024-mi ukiumut naatsorsuutit pillugit pisut pingaarutilimmik sunniuteqarsinnaasut uppernarsarpaat, tamatumani tassunga pisariaqartillugit naliliiffiginikuusatsinnut.

Allaganngorlugu uppernarsaat paasissutissanik imaqarpoq sallunaveeqqusiussanik qularnaveeqqusiussanillu, eqqartuussivilersuussutinik, oqimaaqatigiissitsinerup kingornatigut pisimasunik, pissutsit iluarsiivigineqarsimannngitsut allattorsimaffiannik, suliassaqarfinnilu allani kukkunersiuiinermi uppernarsaasorsoruminaatsunik piusunik.

Naatsorsuutit pillugit uppernarsaat tiguneqartoq oqaaseqaateqarnissamut pissutissaqartitsingilaq.

## 11 KUKKUNERSIUISUP UPPERNARSAANERA

Uppernarsarparput

- inatsisini piunasaqaatigineqartutut kiffaanngissuseqartuunerput
- kukkunersiuiinerup ingerlanerani paasissutissat qinnutigisagut tamaasa pissarsiarigatsigit.

Nuuk, ulloq 30. apriili 2026

BDO Statsautoriseret revisionspartnerselskab  
CVR-nr. 45 71 93 75



Bo Colbe  
Naalagaaffimmit akuerisaasumik  
Kukkunersiuisoq  
MNE nr. 24634



Peter Damsted Rasmussen  
Naalagaaffimmit akuerisaasumik  
kukkunersiuisoq  
MNE nr. 40021

## ILANNGUSSAQ 1, KUKKUNERSIUISUT UPPERNARSAATAAT - KUKKUNERSIUINEQ PILLUGU INERNILIINEQ

### KUKKUNERSIUISUP ARLAANNAANULLUUNNIIT ATTUUMANNGITSUT UPPERNARSAASIINERA

#### INATSIARTUNUT

##### **Inerniliineq**

Nukissiorfinnut ukiumut naatsorsuuseriffiusumut 1. januaari - 31. decembari 2025-mut ukiumoortumik naatsorsuutit kukkunersiorpagut, tassunga ilaallutik inernerit naatsorsornerat, oqimaaqatigiissitsineq, akiliisinnaassutsip naatsorsornera aamma nassuiaatit, tassunga ilanngullugu naatsorsueriaaseq.

Ukiumoortumik naatsorsuutit Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersoq naapertorlugu suliarineqarput.

Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit suliffeqarfik Namminersorlutik Oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq, inatsisiliornermi immikkut ittumi maleruagassiorneqarluni.

Uagut isumaqarpugut ukiumoortumik naatsorsuutit suliffeqarfiup pigisaanik nalilinnik, akiitsuinik aamma aningaasaqarnikkut inissisimaneranik 31. decembari 2025 killigalugu eqqortumik takussutissiisut aammattaaq suliffeqarfiup ukiumi naatsorsuusiortumut 1. decembari 2025 - 31. decembari 2025-mut ingerlatsinermini angusai Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumut naapertuuttut, tassunga ilanngullugu Kalaallit Nunaanni ukiumoortumik naatsorsuusiortarnermut inatsit pillugu peqqussut, suliffeqarfittut Namminersorlutik Oqartussat pigisaattut ingerlanneqartuunerup kingunerisaanik inuiaqatigiit isiginiarlugit, immikkut inatsit tunngavigalugu maleruagassiorneqarnermini nikingassutit atorlugit.

##### **Inerniliinermit tunngaviusoq**

Kukkunersiuiernerput ingerlapparput kukkunersiuisarnermi najoqqutassat nunat tamat akornanni atuuttut malillugit, taamatullu Kalaallit Nunaanni kukkunersiuisarnermut inatsisiliornermi piumasaqaataasut kiisalu pisortat suliffeqarfiutaasa naatsorsuutaannik kukkunersiuiernermi malittarisassat tamanut atuuttut malillugit, Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi aalajangersakkanik tunngavilimmik kukkunersiuiineq ingerlanneqarmat. Tunngaviit takkua malissallugit uagut akisussaaffigaarput aamma immikkoortumi kukkunersiuisut uppernarsaataanni "Kukkunersiuisut naatsorsuutininik kukkunersiuiinissaminut akisussaaffii"-ni piumasaqaatit itinerusumik allaaserineqarput.

Nunat tamalaat kukkunersiuisunut ileqqorissaarnissamut malittarisassiaat (IESBA-p ileqqorissaarnissamut malittarisassai) naapertorlugit uagut Namminersorlutik Oqartussanit aamma immikkut piumasaqaatinut Kalallit Nunaanni atuuttunut, kiffaanngissuseqarpugut, soorlu malittarisassat piumasaqaatillu tamakku naapertorlugit ileqqorissaarnissamut pisussaaffivut allat naammassillugit. Isumaqarpugut kukkunersiuiernermi angusat uppernassusiat naammaginartooq aamma uagut inerniliussatsinnut tunngavissatut naleqquttuusut.

##### **Kukkunersiuiernermit tunngatillugu pissutsinik erseqqissaaneq**

Nukissiorfiit ilanngussat 1-2 naatsorsuutininut ilannguppaat. Ilanngussat pineqartut ukiumoortumik naatsorsuutit kukkunersiorneqarnerinut ilaatinneqanngillat.

##### **Aqutsisut ukiumoortumik naatsorsuutininut akisussaaffiat**

Aqutsisut akisussaaffigaat ukiumoortumik naatsorsuutit nalunaarut naapertorlugu eqqortumik takussutissiisut suliarissallugit Namminersorlutik Oqartussat suliffeqarfiutaasa nammieertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumut naapertuuttut, tassunga ilanngullugu Kalaallit Nunaanni ukiumoortumik naatsorsuusiortarnermut inatsit pillugu peqqussut, suliffeqarfittut Namminersorlutik Oqartussat pigisaattut ingerlanneqartuunerup kingunerisaanik inuiaqatigiit isiginiarlugit, immikkut inatsit

tunngavigalugu maleruagassiorneqarnermini nikingassutit atorlugit. Taamatuttaaq aqutsisut akisussaaffigaat suliffeqarfimmi namminerimi misissuisarnerit, ukiumoortumik naatsorsuusiormi eqqortumik takussutissiisunik pingaarutilinnillu kukkusumik paasissutissiingitsumik suliaqarnissamut atatillugu aqutsisunit isigineqartut, tamanna peqqusersiornermik imaluunniit kukkunermik tunngaveqaraluarpalluunniit.

Naatsorsuutit suliarineqarnerannut atatillugu aqutsisut akisussaassuseqarfigaat Nukissiorfiit ingerlatsinerminnik ingerlatitsiinnarnissaminut piginnaaneqarnera nalilissallugu, ilisimatitsissutigissallugit pissutsit ingerlatsinermik ingerlatitseqqinnissamut tunngasut, tamanna naleqquppat, aammattaaq ukiumoortumik naatsorsuutit suliarissallugit ingerlatseqqiinnarnissaq tunngavigalugu naatsorsuusiormut periutsit tunngavigalugit, imaanngippat Inatsisartut siunertaralugu suliffeqarfiup uniinnarnissaa, ingerlatsineq unissanersoq imaluunniit allamik pivusorsiortumik periarfissaqannginneroq taamaaliornissarlu kiserngorulluni.

### **Kukkunersuiisup ukiumoortumik naatsorsuutitut akisussaaffia**

Uagut anguniagarput tassaavoq annertunerpaamik qularnaarniarlugu ukiumoortumik naatsorsuutit tamakkiisumik isigalugit pingaarutilinnik kukkusumik ilisimatitsinnginnerat, tamanna peqqusersiornermik imaluunniit kukkunermik tunngaveqaraluarpalluunniit, aamma kukkunersuiisut oqaaseqaataannik inerniliinertalimmik tunniussinissarput. Annertunerpaamik qularnaarinninneq tassaavoq qularnaarinninneq qaffasissiq, kisianni kukkunersuiineq tamanna nunani tamalaani maleruagqusat nalinginnaasut malillugit aamma piumasaqaatit suliat Kalaallit Nunaanni atuuttut tunngavigalugit suliarineqartoq, aammattaaq pisortat suliffeqarfiutaannik kukkunersuiinerimi piumasaqaatit nalinginnaasut tunngavigalugit annertuumik kukkusumik ilisimatitsinermik, taamaattoqarsimappat, tamatigut qulaajaasinnaaneranik qularnaarinerunngilaq. Kukkusumik ilisimatitsineq peqqusersiornermik imaluunniit kukkunermik tunngaveqartumik pilersinnaavoq aamma pingaaruteqartut isigineqarsinnaavoq tupigisassanngitsumik naatsorsuutigineqarsinnaappat, taakku ataasiakkaarlutik imaluunniit ataatsimoorlutik aningaasaqarnermut tunngatillugu aalajangiinernut sunniuteqarpata, naatsorsuutitut atuisuusut ukiumoortumik naatsorsuutit tunngavigalugit aalajangiinerannut.

Kukkunersuiinitsinnut atatillugu nunani tamalaani maleruagqusat nalinginnaasut malillugit aamma piumasaqaatit suliat Kalaallit Nunaanni atuuttut, aammattaaq pisortat suliffeqarfiutaannik kukkunersuiinerimi nalinginnaasut tunngavigalugit ingerlanneqartumi, suliatigut nalilersuineq ingerlattarparput aamma kukkunersuiinerup ingerlanneqarnerani ilinniakkavut tunngavigalugit qularnartoqartitsineq atortarparput.

Tamakku saniatigut:

- Ukiumoortumik naatsorsuutit paasiniartarparput aamma nalilersortarlutigu pingaaruteqartumik kukkusumik ilisimatitsisoqarsinnaaneranut nalorninartuusinnaasut, peqqusersiornermik imaluunniit kukkunermik tunngaveqaraluarpalluunniit, tamakkunani kukkunersuiinerimi ingerlatsinerit ilusilersortarpavut aamma ingerlattarlutigik tamakkunani nalorninartuusinnaasut qisuariarfigalugit aammattaaq kukkunersuiinerimi uppersaaneq angusarparput, naammagintumik aamma atorneqarsinnaasumik inerniliinissatsinnut tunngavigineqarsinnaasut. Pingaarutilinnik kukkusumik ilisimatitsinerit peqqusersiornermik pissuteqartut paasinnginnissaannut nalorninartut pingaarutilinnik kukkusumik ilisimatitsinerit kukkunermik pissuteqartunut naleqqiullugit annertunerupput, tassa peqquserlunnarluni peqatigiinniapilunnerit, peqquserlulluni uppersaasersuusiormi, piaraluneerluni ilanngussinnginnerit, salloqittaanerit imaluunniit suliffeqarfimmi namminerimi nakkutilliinernik sumiginnaanerit peqquserluttuliornernut ilaasinnaammata.
- Suliffeqarfimmi namminerimi nakkutilliinernik kukkunersuiinerimut paasininneq angusarparput, tassa kukkunersuiinerimik naleqquttumik pissuseqartuusumik ingerlatsinerimik ilusilersuinnaanitsinnut attuumassuteqartoq, kisianni Nukissiorfiit namminerimni nakkutilliinerata pitsaassusia pillugu inerniliinernik saqqummiussinissaq anguniarnatigu.
- Naatsorsuusioriaaseq aqutsisunit atorneqartoq naleqquttuunersoq, taamatuttaaq naatsorsuutitut tunngatillugu paasissutissanik attuumassuteqartumik nalilersuineq aqutsisunit suliarineqarsimasoq naammagintuunersoq isummerfigisarpavut.
- Aqutsisut ukiumoortumik naatsorsuutitut suliat ingerlaqqinnissaq tunngavigalugu naatsorsuusiormut periuseq tunngavioq atorlugu suliaqarsimanerat naleqquttuunersoq

inernilersimagutsigu, kukkunersiuinermit uppersaarnermik angusaq tunngavigalugu malunnaateqarluartumik qularnartoqarnersoq aamma pisunut imaluunniit pissutsinut attuumassuteqartunik, suliffeqarfiup ingerlatsinermik nangitsinissamut piginnaaneqarnerannik annertuumik qularnarmik pilersitsisinnaanersut paasiniarsimasarpavut. Uagut inerniliigutta malunnaateqarluartumik qularnartoqartarpoq, taava uagut kukkunersiuinermit oqaaseqaatitsinni tamanna pillugu paasissutissat naatsorsuutini eqqumaffigeqqussavagut, imaluunniit paasissutissat amigarpata inerniliinerput naleqqussassavarput. Uagut inerniliinitsinnut tunngaviuvoq kukkunersiuinermit uppersaat, kukkunersiuinitsinnut atsiornitsinni qaammatisiutit ulluat taanna tikillugu angusarput. Taamaattorli siunissami pisut imaluunniit pissutsit suliffeqarfiup ingerlatsinermik ingerlatsinnaajunnaarnera kingunerisinnaavaat.

- Ukiumut naatsorsuutit tamakkiisumik saqqummiunnerat, ilusilersornerat imarisaalu, nassuiaatit paasissutissartaat ilanngullugit, aamma nalunaarsorsimasat pisimasullu ukiumut naatsorsuutini ersertut ilumut piviusumik takutitsinersut, isummerfigisarpavut.

Aqutsisut attaveqaqatigisarpagut ilaatigut kukkunersiuinerup annertussusissaatut pilersaarut aamma kukkunersiuinerup piffissami qaqugu ingerlanneqarnissaanut tunngatillugu, aammattaaq kukkunersiuinermit malugisavut malunnaateqarluartut pillugit, tamatumunnga ilanngullugit suliffeqarfimmi namminermi nakkutilliinermit amigaataajunnartut malunnaateqarluartut kukkunersiuinitsinni paasisavut pillugit.

#### **Aqutsisut nalunaarutaat pillugu oqaaseqaat**

Aqutsisut nalunaarutaannut aqutsisut akisussaassuseqartuupput.

Ukiuhoortumik naatsorsuutit pillugit inerniliinitsinnut aqutsisut nalunaarusiaat ilanngunneqanngilaq, kiisalu aqutsisut nalunaarusiaat pillugu sumilluunniit qularnaatsumik inerniliussamik saqqummiussinngilagut.

Kukkunersiuinitsinnut atatillugu uagut akisussaaffigaarput aqutsisut nalunaarusiaat atuassallugu tassungalu atatillugu aqutsisut nalunaarusiaat pingaaruteqartutigit naatsorsuutininut imaluunniit uagut kukkunersiuinitsinnut atatillugu ilisimasalikkatsinnut naleqqutinnginnersoq imaluunniit allatigut pingaaruteqartunik kukkusumik ilisimatitsinermik imaqarnersoq eqqarsaatigissallugu akisussaaffigaarput.

Tamatuma saniatigut aqutsisut nalunaarusiaat inatsisit attuumassuteqartut naapertorlugit paasissutissanik ilaqarnersoq eqqarsaatigissallutigu uagut akisussaaffigaarput.

Suliarisimasarput tunngavigalugu uagut isumaqarpugut aqutsisut nalunaarusiaat ukiumoortumik naatsorsuutininut naleqquttoq, aamma ukiumoortumik naatsorsuutit inatsisit attuumassuteqartut naapertorlugit suliarineqarsimasoq.

Aqutsisut nalunaarusiaanni pingaaruteqartunik kukkusumik ilisimatitsisoqarsimaneramik naammattuinnngilagut.

#### **INATSISIT AAMMA MALERUJAGASSAT ALLAT NAAPERTORLUGIT UPPERNARSAANEQ**

#### **Inatsisinik - sukumiisumik tunngaveqarluni kukkunersiuineq aamma ingerlatsivinnik kukkunersiuineq pillugit oqaaseqaat**

Aqutsisut akisussaaffigaat iliuutsit naatsorsuutininik saqqummiussinermi ilanngunneqartut aningaasaliissutitut nalunaarutigineqartunut, inatsisinut aamma najoqqutassanut allanut aammattaaq isumaqatigiissutininut isumaqatigiissutigineqarsimasunut aamma nalinginnaasumik periutsinut naapertuuttuunerat. Aqutsisut aammattaaq akisussaaffigaat aningaasaqarnermut tunngatillugu tapiissutit aqunneqarnerisa mianerineqarnerat, tassa ukiumoortumik naatsorsuutininut ilanngunneqarsimasunut tunngatillugu. Tamatumunnga atatillugu aqutsisut akisussaaffigaat atortunik aamma periutsinik, sipaarniarnermut, nioqutissiornermut aamma aallussilluarnermut tapertaasussanik, pilersitsisoqarsimanissaq.

Ukiuhoortumik naatsorsuutininik kukkunersiuinitsinnut atatillugu uagut akisussaaffigaarput inatsisit tunngavigalugit - sukumiisumik tunngaveqarluta kukkunersiuineq aamma ingerlatsivinnik kukkunersiuineq ingerlatissallugit.

Tamatuma kingunerisaanik aalajangikkani naatsorsuutiniq saqqummiussinermut ilaatinneqartuni malittarisassanik annertuumik pisoqarsimaneranut aarlerinaatinik, imaluunniit systemini ingerlaasissanilu aqutsisut pilersissimasaanni ingerlatsinikkut annertuunik amigaateqarneranik nalilersuivugut. Aarlerinaatinik nalilersuineq tunngavigalugu inatsisinik-sukumiisumik tunngaveqarluni kukkunerisuinermut aamma ingerlatsivinnik kukkunerisuinermut sammisassat killilikkat aalajangersarpagut.

Inatsisinik sukumiisumik tunngaveqarluta kukkunerisuinitsinni sammisat toqqarneqartut isumannaatsumik misissortarpavut, iliuutsit misissorneqartut naatsorsuutiniq saqqummiussinermi ilaatinneqartut aningaasaliissutit pillugit aalajangersakkanut, inatsisinut aamma najoqqutassanut allanut aammattaaq isumaqatigiissutinut isumaqatigiissutigineqarsimasunut aamma nalinginnaasumik periutsinut tulluurtunut naapertuuttuunersut. Ingerlatsivimmik kukkunerisuinitsinnut atatillugu nalilersorparput isumannaatsuuneq annertoq pigineqarneris atortunut, periutsinut imaluunniit iliuutsinut misissorneqartunut atatillugu, taakkua ingerlatsinermi aningaasaqarnikkut tapiissutit mianerineqarnerisut aamma sammisanik ingerlatsinermi ukiumoortumik naatsorsuutiniq ilaatinneqartunut atatillugu.

Sammisat toqqarneqarsimasut ataasiakkaat pillugit kukkunerisuinerput siunertarivaa kukkunerisuinermut uppersaatinik naleqquttunik naammattunik pissarsinissaq, sammisat taanna pillugu qularnaveeqqusiinermik qularnaveeqqusiinermut tunngaviumik tunngaveqarsinnaasumik. Kukkunerisuinerup nalaani malittarisassanik unioqqutitsinerit imaluunniit aqutsinermi amigaateqarnerit tamarmik paasineqarnissaat tamakkiisumik qularnaveeqquserneqarsinnaanngilaq. Sammisaq toqqarneqarsimasut pillugit inatsisitigut pingaaruteqartumik misissuinerit aammalu allaffissornikkut misissuinerit kisimik ingerlassimagatsigit, qularnanngitsumik oqarsinnaanngilagut sammisat toqqarneqarsimasut avataanniittut malittarisassanik annertuumik unioqqutitsisoqarsinnaanngitsoq imaluunniit allaffissornikkut annertuumik amigaateqartoqarsinnaanngitsoq.

Suliarisarpur ingerlassimasarpur tunngavigalugu inermiliigutta isornartumik oqaaseqaateqarnissamut pissutissaqartitsisunik naammattuulluta, taava tamakku oqaaseqaammik matumani nalunaarutigisussaavagut.

Tamatumunnga atatillugu malunnaatilinnik isornartumik oqaaseqaatissaqanngilagut.

**ILANNGUSSAQ 2, PILERSAARUTIT MALITSEQARTITSINISSARLU - INGERLATSINERMIK KUKKUNERSIUINEQ AAMMA INATSISIT ATUUTSINNEQARNERINIK KUKKUNERSIUINEQ**

Ukioq naatsorsuusiorfiusoq	Pilersaarutitut sammisat sammisallu misissorneqartut		Malittareqqiinissamut oqaaseqaatit pingaarutillit
	<i>Ingerlatsinermik kukkunersiuiineq, tak. SOR 7</i>	<i>Inatsisit atuutsinneqarneri pillugit kukkunersiuiineq, tak. SOR 6</i>	
2025	Akissarsialerinermit suliassaqarfimmi missingersuutiniq aqutsinermit tunngatillugu sammisanik pisuussutinillu nalilinnik aqutsineq.	Akissarsiat atorfeqarnermullu tunngasut	Oqaaseqaatissaqanngilaq

	2025
<b>Inatsisit atuutsinneqarneri pillugit kukkunersiuiineq</b>	
Pisinerit	
Akissarsiat atorfeqarnermullu tunngasut	X
Tunisinerit	
Oqartussat akiliutiniq akiligassiinerat	
Tapiissutiniq allanillu tunineqarnissamik aalajangiinerit.	
Pisinnaatitaaffinnik aalajangersagaasumik nuussinerit	
<b>Ingerlatsinermik kukkunersiuiineq:</b>	
Sammisanik pisuussutinillu nalilinnik aqutsineq	X
Anguniakkanik angusanillu aqutsineq	
Pisortat pisiortortarneriniq aqutsineq	
Ukiunut arlalinnut aningaasaliinissamik suliniutini missingersuutiniq aqutsineq	
Pisortat tapiissuteqartarnermik aqqissuussineriniq aqutsineq	

### ILANNGUSSAQ 3 Ivertinneqarnermi nalunaarut

#### Aallaqqaasiut

Inatsisartut 6. novembari 2025-mi ataatsimiinneranni Nukissiorfiit (kingornatigut taaneqartoq "Suliffeqarfik") kukkunersuiusussatut BDO Statsautoriseret Revisionspartnerselskabip toqqarneqarnera tunngavigalugu, BDO Statsautoriseret Revisionspartnerselskab (kingornatigut "BDO"-mik taaneqartoq) kukkunersuiusutut nalunaarummi matumani suliassamut akuersaarnerput paasinninnerpullu uppersarsavarput, tassunga ilanngullugu kukkunersiuermut atatillugu BDO-p aamma Suliffeqarfiup akornanni akisussaaffinnik suliassanillu agguataarineq pillugu.

BDO suliffeqarfimmut kukkunersuiusutut toqqarneqartutut qinnuigineqarpoq Suliffeqarfimmut ukiumoortumik naatsorsuutit kukkunersioqqullugit. Ukiumoortumik naatsorsuutitut nalunaaruteqarnissamik suliassap saniatigut BDO aamma qinnuigineqarpoq naatsorsuutitut naatsorsukkanullu allanut nalunaarutininik saqqummiusseqqullugu.

Kukkunersiuermut malitassiat naapertorlugit BDO naatsorsuusiortarnermi taaguusersuinermit sinaakkusiussat naleqquttut aamma illup iluani nakkutillineq naapertorlugit naatsorsuutininik il.il. suliqaartarnermut akisussaaffini akueralugu paasillugulu aqutsisoqatigiinnit akuerineqassaaq aammalu Suliffeqarfimmi paasissutissanik inunnillu attuumassuteqartunik BDO pissarsisinnaatillugu.

#### Ukiumoortumik naatsorsuutit kukkunersiorneqarnerat

##### Aallaqqaasiut

BDO kukkunersuiusussatut suliffeqarfimmit toqqarneqarluni qinnuigineqarpoq Suliffeqarfiup ukiumoortumik naatsorsuutaanik kukkunersioqqullugu. Ukiumoortumik naatsorsuutit Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersoq naapertorlugu saqqummiunneqarput.

Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit, inatsisillu immikkut ittut malillugit malittarisassiorneqarluni suliffeqarfik Namminersorlutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq.

BDO-p kukkunersiuinissamik suliassamut akuersaarnini paasinninninilu immikkoortumi matumani uppersarsarparaa. Immikkoortoq BDO-p aamma suliffeqarfimmi aqutsisoqatigiit akornanni akisussaaffinnik suliassanillu agguataarinermit piumasaqaatinik, kukkunersuiusup nalunaarusiorneranik aamma aqutsisoqatigiinnik attaveqateqarneranik aammalu kukkunersiuermik suliassamut atatillugu suleqatigiinnermut najoqqutassanik imaqarpoq.

#### Siunertaq annertussusaalu

BDO kukkunersiuermik ingerlatsissaaq ukiumoortumik naatsorsuutit pillugit inerniliinertaqartillugu qaffasissumik qularnaassusilimmik nalunaaruteqarnissaq siunertaralugu.

BDO kukkunersiuermik ingerlatsissaaq nunani tamalaani kukkunersiueq pillugu malitassiat aamma piumasaqaatit allat Kalaallit Nunaanni atuuttut, aammalu pisortat suliffeqarfiutaanni ingerlatsinermit malitassiat naapertorlugit, kukkunersiueq Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. decembari 2017-imeersumi piumasaqaatit tunngavigalugit ingerlanneqarmat.

Tamatumungalu BDO-p suliffeqarfimmut attuumanginnissaa pisariaqarpoq International Ethics Standards Board for Accountants'-imi nunani tamalaani kukkunersuiusut ileqqorissaartumik pissusilersornissaannut najoqqutassat (IESBA Code) naapertorlugit, aammalu BDO-p piumasaqaatit aamma IESBA Code naapertorlugit ileqqorissaarnissamut pisussaaffigisaminik naammassinninnissaa.

Ukiumoortumik naatsorsuutit eqqortuunerat nakkutigissavarput, aammalu naatsorsuutininik saqqummiussinermit ingerlanneqartut aningaasaliissutitut nalunaarutigineqartunut, Inatsisartut Naalakkersuisullu aalajangiussaannut allanut, inatsisinut najoqqutassanullu allanut aammalu isumaqatigiisutaasunut nalinginnaasumillu suleriaaseqarnermut naapertuunnersut misissussavarput.

Aammattaaq Inatsisartut aamma Naalakkersuisut aalajangiinerinik piviusunngortitsineq suliffeqarfiullu susassaqrifiinik allanik ingerlatsineq aningaasaqarnikkut naleqquttumik isumagineqarsimanersoq naliliiffigineqassaaq.

Kukkunersuiisup pisussaaffigaa suliffeqarfiup naatsorsuuserineranik tassungalu atatillugu nakkutilliinissamut iliuitsit pilersinneqarsimasut akulikitsumik isorniartumik misissuisassalluni taakku toqqissimanartuunersut misissornissaat siunertaralugu.

Ukiumoortumik naatsorsuutit paasissutissanik kukkusunik annertuunik imaqqannginnissaat qaffasissumik qularnaassuseqarnissaat siunertaralugu BDO iliussissanik pilersaarusiortluni ingerlatsissaaq.

#### **Kukkunersuiisup akisussaaffeqarnera**

Ukiumoortumik naatsorsuutininik kukkunersuiineq aningaasanut paasissutissanullu ukiumoortumik naatsorsuutininik ilanngunneqartunut kukkunersuiinermi uppersaatissanik pissarsinissamut iliutsinik imaqarpoq. BDO-p kukkunersuiinermi iliutsini suliatigut naliliineq tunngavigalugit aalajangersartarpai, tassunga ilanngullugu ukiumoortumik naatsorsuutininik annertuumik kukkusumik paasissutissiisoqarsinnaaneranut aarlerinaatinik nalilersuineramik, aamma kukkusumik paasissutissiineq peqquserlunnernik kukkunernilluunniit pissuteqaraluarpat.

BDO aammattaq pisortani kukkunersuiisarnermi ileqqorissaarnissaq naapertorlugu kukkunersuiinermik ingerlatsiarpoq, tassunga ilaallutik inatsisit atortinneqarnerat pillugu kukkunersuiineq aamma pisortat ingerlatsiviinik kukkunersuiineq. Inatsisit atortinneqarnerat pillugu kukkunersuiinermi BDO-p suliarineqartut naatsorsuutininik saqqummiussinermut ilaatinneqartut aningaasaliissutinut tunniunneqartunut, inatsisinut najoqqutassanullu allanut aammalu isumaqatigiissutaasunut nalinginnaasumillu suleriaaseqarnermut naapertuunersut misissortarpaa. Pisortat ingerlatsiviinik kukkunersuiinermi BDO-p misissortarpaa aningaasanik aqutsinermi sammisanillu ingerlatsinermi naatsorsuutininik ilaatinneqartunut aningaasatigut akiligassat eqqarsaatigineqarsimanersut.

Kukkunersuiinermi aamma naatsorsuuseriaaseq aqutsisoqatigiinnit atorineqartussatut toqqarneqartoq naleqquttuunersuq aamma isummerfigineqartarpoq naatsorsuuserinermilu missiliuinerit aqutsisoqatigiinnit ingerlanneqartut naapertuunersut aammalu naatsorsuutininik saqqummiussineq tamarmiisooq naliliiffigalugu.

BDO kukkunersuiinermut atatillugu aamma kukkunersuiisumut tunuartumut saaffiginnissaq kukkunersuiisusimasup tunuarneranut pissutaasut paasiniarnissaat siunertaralugu.

Kukkunersuiisarnermi killilersuutaareersut pissutigalugit, tassunga ilanngullugu kukkunersuiinerup misissugassanik tigooraanermik aallaaveqarnera aammalu illup iluani nakkutilliinermut systemini suniluunniit killilersuuteqareenera pissutigalugu, ukiumoortumik naatsorsuutininik kukkunerit annertuut paasineqanngitsooratarsinnaapput, aamma kukkunersuiineq pilersaarusiortluagaagaluarpalluunniit kukkunersuiinerlu pillugu nunani tamalaani malitassat aamma Kalaallit Nunaanni kukkunersuiinermut inatsisini piumasaqaatit allat naapertorlugit ingerlanneqaraluarpat.

#### **Aarlerinaatinik pingaaruteqassutsimillu naliliineq**

Ukiumoortumik naatsorsuutininik kukkunersuiineq pingaaruteqassutsimut tunngavissaq aallaavigalugu aammalu suliffeqarfimmi aarlerinaatinut pissutsinik misissueqqissaarineq aallaavigalugu aqqissuunneqassaaq. Kukkunersuiineq paasisat, misissuinerit, apeqquteqaatit, naatsorsueqqinnerit, naligiissaarinerit, naatsorsuutininik missiliuinerinik misissuinerinik, allakkatigut isumaqatigiissutinik misissuinerinik, takussutissanik misissueqqissarnernillu misissugassanik tiguisarnikkut nakkutilliilluni ingerlanneqassaaq.

Kukkunersuiinermi iliuitsit amerlanersaat naatsorsuutininik allattukkani nalunaarsuinerinik systemini annertuumik kukkuneqarfiusinnaasutut nalilerneqartuni ingerlanneqassapput. Kukkunersuiineq taamaalilluni ukiumoortumik naatsorsuutit tamakkiisumik isigalugit allangortitsisussaangitsunik kukkunernik annertunngitsunik paasisaqarnissamik iluarsinissamillu siunnerfeqanngilaq.

Suliffeqarfimmi suleriaatsit illullu iluani nakkutilliinerit kukkunersuiinermut toqqammavissaqartitsisinnaanerit apeqqutaatillugu, naleqquppallu, kukkunersuiineq suleriaatsinik illullu iluani nakkutilliinerinik misileraanertut aqqissuunneqassaaq. Tamatumani saniatigut kukkunersuiinermi uppersaatissat naatsorsuutininik allattukkanut naatsorsuutillu pillugit paasissutissanut allanut uppersaatissatut imaluunniit ilimanarnerulersitsisutut nalilerneqartut pissarsiarinarneqassapput.

BDO-p aarlerinaatinik naliliineranut atatillugu illup iluani nakkutilliineq suliffeqarfiup ukiumoortumik naatsorsuuserineranut attuumassuteqartoq isummerfigineqassaaq. Tamatumani siunertaavoq

kukkuersiuermi iliuusissanik pissutsinut naleqquttunik ilusilersuinissaq, suliffeqarfiullu illup iluani nakkutilliinerata sunniuteqassusianik inerniliiffiunani. Illulli iluani nakkutilliinerit ukiumoortumik naatsorsuutini kukkuersiorneqarnerinut attuumassuteqartut malunnaatilimmik amigaateqassagaluarpata, BDO-llu kukkuersiuermi tamatuminnga paasisaqarpat, BDO-p suliffeqarfimmi aqutsisoqatigiit tamanna pillugu allakkatigut ilisimatissavai.

### **Peqquserlunnerit**

BDO kukkuersiuermik suliaqarnermini annertuunik peqquserluttoqarsimasinnaanera sianiginiassavaa ilaatigut periaasissanik toqqaanikkut aamma kukkuersiuerup ingerlanneqartup annertussusiatigut.

Peqquserlunnerni paasineqassaaq piaaraluni kukkusumik paasissutissiinerit imaluunniit pigisanik atornerluinerit, taakkulu nalinginnaasumik toqqorterniarneqartut imaluunniit allanut kukkuersiuisumullu isertuunniarneqartut. Peqquserlunnernik pisoqarsimappat tunngaviatigut ukiumoortumik naatsorsuutit paasissutissanik kukkusunik annertuunik imaqarsinnaanera aarlerinaateqarpoq. Peqquserluttoqarsimaneranik BDO pasitsaassaarpat, BDO nalinginnaasumik aqutsisoqatigiit isumasioqatigalugit, pasitsaassaarneq ilumoonersooq ilumuunnginnersorluunniit paasiniallugu misissuinerik aallartitsissaaq.

BDO kukkuersiuerminik pilersaarusiornermini ingerlatsinerminiluunniit peqquserluttoqarsinnaanera sianiginikkaluarpalluunniit, BDO peqquserlunnerit pinngitsoortinniarnissaannut akisussaasuunngilaq.

### **Aqutsisoqatigiit akisussaaffeqarnerat**

BDO-p kukkuersiuerit ingerlattarpai aqutsisoqatigiit makkununga akisussaasuunerminik akuersaarluunilu paasisimasaqarnera tunngavigalugu:

- a) Inatsisit malittarisassallu atuuttut naapertorlugit ukiumoortumik naatsorsuosiornissaq
- b) Ukiumoortumik naatsorsuutini paasissutissanik kukkusunik annertuunik imaqanngitsunik suliaqarnerinut pisariaqartutut isigisaannik illup iluani nakkutilliineq aaqjissuussinissaq, tamanna peqquserlunnermik kukkunernilluunniit pissuteqarnera apeqqutaatinnagu.
- c) BDO:
  - i. Paasissutissanik aqutsisoqatigiit ilisimasaannik tamanik, ukiumoortumillu naatsorsuutit suliarineqarnerinut attuumassuteqartunik, soorlu nalunaarsuinerik, uppersaasiornernik pissutsinillu allanik tunineqassaaq,
  - ii. Paasissutissanik amerlanerusunik kukkuersiuermut atornerqartussanik BDO-p aqutsisoqatigiinnut noqqaassutigisaanik, aamma
  - iii. Suliffeqarfimmi inunnut, BDO-p kukkuersiuermi uppersaataatissaanik aallerfissatut pisariaqarsorisaaq, killeqanngitsumik saaffiginissinnaaneq.

BDO kukkuersiuermut atatillugu ulluinnarni aqutsisunut noqqaassutigissavaa, pisariaqarpallu, suliffeqarfimmi inunnut allanut, kukkuersiuermut atatillugu BDO-mut oqaaseqatigineqartut allakkatigut uppersaarnissaat.

Suliffeqarfik naatsorsuuserinermi ileqqorissaarnissaq inatsisitigullu allatigut naapertuuttumik naatsorsuuserinermut nalunaarsuinerimullu akisussaasuvoq.

Suleriaasissanik aammalu nalunaarsuinerimut nakkutilliinerimullu systeminik naleqquttunik piaaraluni imaluunniit piaarinaatsoorluni kukkuernerit sapinngisamik pinaveersaartinnissaannut aammalu paasinissaannut iluarsinissaannut qulakkeerinnittussanik pilersitsisoqarsimanissaa aqutsisoqatigiit akisussaaffigaat.

Nalinginnaasumik naatsorsuutigineqarpoq suliffeqarfik kontunut eqqortumik allattuinnissamut piffissalersuinissamullu ingerlatsinerimut killiffinnullu kontunik misissuinnissamut akisussaaffeqartoq, aammalu naleqquttumik annertussusilimmik uppersaateqarnissamut naligiissarinernik, nassuiaatinik, naatsorsuinerik misissueqqissaarnernillu peqarnissaa, tassunga ilanngullugit naatsorsuutini missiliuinerimut pingaarutilinnut uppersaatait aamma ukiumut naatsorsuutini nalornissutaasinnaasut.

### **Ukiumoortumik naatsorsuusini suliarinninnerup ingerlanissaa**

Naalakkarsuisut suliffeqarfiup ukiumoortumik naatsorsuutai Inatsisartunut saqqummiutissavaat tassangaanniillu ukiumoortumik naatsorsuutit kukkuersiorneqarnissaat Inatsisartut Kukkuersiuerimut Ataatsimiititaliaannut tunniunneqassapput.

Inatsisartut Kukkunersiuinermut Ataatsimiititaliaata ukiumoortumik naatsorsuutit kukkunersiorneqarnissaat kukkunersiuismut avataaneersumut suliakkiutigissavaat.

Tamatuma kingorna kukkunersiuismut avataaneersup kukkunersiuismut nalunaarutini Inatsisartut Kukkunersiuinermut Ataatsimiititaliaannut tunniutissavaa, ataatsimiititaliarlu kingornatigut Naalakkersuisunut itisiliiffiusumik apeqquteqarsinnaavoq.

Akissutissanik piniartoqareernerani Inatsisartut Kukkunersiuinermut Ataatsimiititaliaat nalunaarummik suliaqassaaq ukiumoortumillu naatsorsuutit aamma kukkunersiuismut avataaneersup kukkunersiuismut nalunaarutaa ilanngullugit Inatsisartunut inaarutaasumik akuersissutigisassanngorlugu saqqummiunneqassaaq.

### **Kukkunersiuismut nalunaarusiortarnera**

#### **Kukkunersiuismut uppernarsaasiinera**

Ukiumoortumik naatsorsuutit kukkunersiorneqarnerisa naammassinerani BDO kukkunersiuismut uppernarsaasiissaaq ukiumoortumik naatsorsuutit pillugit qaffasissumik qularnaassusilimmik inerniliinertalimmik.

Uppernarsaasiineq nangaassuteqarnernik imaqarsinnaavoq, BDO pissutsinut pingaarutilinnut tunngatillugu kukkunersiuinermut uppernarsaatissanik naammattunik pissarsisinnaasimangippat, imaluunniit BDO kukkunersiuinermut uppernarsaatit pissarsiarineqartut tunngavigalugit inerniliippat ukiumoortumik naatsorsuutit kukkunernik amigaatinilluunniit pingaarutilinnik imaqartut.

Uppernarsaasiineq pissutsit erseqqissaavigineqarnerinik imaqarsinnaavoq, BDO isumaqarpat pissutsinik naatsorsuutininik atuisut eqqumaffigisariaqagaannik peqartoq.

Aammattaaq inatsisini piumasaqaatigineqarpoq kukkunersiuismut uppernarsaasiinera nalunaaruteqarnissamut pisussaaffinnik allani imaqassasoq, BDO suliffeqarfik pillugu, suliffeqarfiit attuumassuteqartut, suliffeqarfimmu peqataaneq, akiligassallit imaluunniit sulisut aqutsisunut taarsiinissamik pillaatillu akisussaataaernerik kinguneqarsinnaasunik iliuutsinik ilanngutinngitsuukkanillu paasisaqarsimappat.

Ukiumoortumik naatsorsuutit kukkunersiorneqarnerinut atatillugu BDO-p ukiumoortumik naatsorsuutini Paasissutissat Allat misissussavai. Kukkunersiuismut uppernarsaasiineranut atatillugu BDO tamanna tunngavigalugu oqaaseqaateqassaaq Paasissutissat Allat paasissutissiinernik kukkusunik pingaarutilinnik imaqarnerisooq BDO-mit isummerfigineqarluni.

Suliffeqarfimmit kissaatigineqarpat, ataatsimiinnermut naatsorsuutit BDO-p nalunaaruteqarfigisaata oqaluuserineqarfissaannut BDO-p peqataassalluni pisussaaffigaa.

### **Aqutsisoqatigiinnut attaveqaqatigiinneq**

#### **Attaveqaqatigiinneq nalinginnaasoq**

Nunani tamalaani kukkunersiuinermut malitassiat aamma Kalaallit Nunaanni kukkunersiuismut inatsisini piumasaqaatit allat malillugit BDO pisussaavoq suliffeqarfimmi ulluinnarni aqutsisunik attaveqaqateqassalluni, imaluunniit pisariaqartillugu suliffeqarfimmi qullersanut, kukkunersiuinermik suliasami pissutsit tamaasa BDO-p suliatigut naliliinera malillugu aqutsisoqatigiinnit eqqumaffigineqartariaqartut pillugit, tassunga ilaapput:

- ▶ BDO-p naatsorsuuserinermi tunngavissanik atorineqartunik isiginninnera, tassunga ilanngullugit naatsorsuuserinermi periaaserineqartoq, naatsorsuutitigut missiliuinerit aamma ukiumut naatsorsuutini paasissutissat.
- ▶ Kukkunersiuinerup ingerlanneqarnerani inernerit malunnaatillit, tassunga ilanngullugit pisut BDO-p iliuuseqaqqinnissamik isumaliuteqarfigisai.
- ▶ Pissutsit pilersut BDO-llu kukkunersiuismut uppernarsaasiinermi inerniliineranut allannguinerimik kinguneqarsinnaasut.
- ▶ Ajornakusoortut BDO-p kukkunersiuinermik suliaqarnermini naammattoorsinnaasai.



BDO inatsisini piumasaqaatigineqartut, EU-mi maleruagassiorneq imaluunniit oqartussat piumasaqarnerat malillugu suliffeqarfiup naatsorsuutaanut nalunaarsugaanullu allanut nalunaaruteqarnissamik suliassanik qularnaatsunik suliaqarpoq (tullinguuttumi "naatsorsuutit allat")-nik taaneqartut.

Naatsorsuutit allat inatsisit atuuttut, naatsorsuutinullu allanut oqartussanit neriorsuineramik allagaqaatit il.il. malillugit suliarineqassapput.

#### **Siunertaq annertussusaalu**

BDO naatsorsuutinut allanut qularnaatsumik nalunaaruteqarnissaq siunertaralugu nalunaarutissanik suliaqarpoq.

BDO inatsisit imaluunniit neriorsuineramik allagaqaatit naapertorlugit piumasarineqartoq malillugu nalunaaruteqarnissamik suliassamik ingerlatsissaaq. Tamatumunngalu ilaasinnaavoq kukkunersiuermut nunani tamalaani malitassat, aamma piumasaqaatit allat Kalaallit Nunaanni atuuttut imaluunniit nalunaarutininik qularnaatsunik allanik suliassat imaluunniit aningaasaqarnermut paasisutissanik pisoqqanik misissuineq pillugu nunani tamalaani nalunaarutinut malitassaq ISAE 3000 naapertorlugu kukkunersiueq.

Nalunaarutininik saqqummiussinissamut BDO-p arlaannaanulluunniit attuumanginnissamut piumasaqaatinik aamma International Ethics Standards Boards for Accountants'-ip nunani tamalaani najoqqutassiaani kukkunersiuisutut ileqqorissaarnissamut piumasaqaatinik (IESBA Code) naammassinninnissaa piumasaqaataavoq, innarligassaanginnermut, kinaassusersuinnginnissamut suliatigut piginnaasaqarluarnissamut peqqissaarnissamullu, isertuussinissamut suliatigullu piginnaasaqarnermik pissusilersornissamut tunngavissanik, aammalu ileqqorissaarnissamut piumasaqaatinik Kalaallit Nunaanni atuuttunik tunngaveqartoq.

#### **Kukkunersiuisup akisussaaffeqarnera**

BDO-p nalunaaruteqarnissamik suliassamut tunngatillugu aammalu nalunaaruteqarnermut sammisamut atatillugu tamatumunngalu uuttortaanermit imaluunniit naliliinermit piginnaasaqarnissani periaasissaqarnissanilu akisussaaffigaa nalunaarummi inerniliussamut akisussaaffimmik tiguisinnaassalluni.

BDO-p akisussaaffigaa suliassamik suliarinnittussat peqatigiillutik piginnaaneqarfinnik pisinnaasanillu peqassasut malitassiat attuumassutillit aamma inatsisini maleruagassanilu allani piumasaqaatit atuuttut naapertorlugit, aammalu nalunaarummik pissutsinut naleqquttumik tunniussinissamut periarfissiisussamik.

BDO-p akisussaaffigaa nalunaaruteqarnissamik suliassap suliatigut qularnertalimmik pilersaarusiussallugu ingerlatissallugulu, nalunaarummik suliassap ingerlanneqarnerani suliatigut naliliisnaani atortussanngorlugu, tassunga ilanngullugu qanoq inneranik, piffissatigut sumi inissimaneranik iliuusissallu annertussusaannik aalajangersaanissamut, aammalu nalunaaruteqarnissaminik suliaqarnermini uteqqiattumik, aaqqissuulluakkamik ingerlatsinissamut piginnaasaminik pisinnaasaminillu atuisinnaanissaminut.

Nalunaarusiornissamik suliassami killilersuutaareersut pissutigalugit, aammalu illup iluani nakkutilliinermit systemit suulluunniit killilersuuteqareernerat pissutigalugu, nalunaaruteqarnissamut sammisami kukkunernik annertuunik imaassinnaavoq paasisaqartoqanngitsoortoq, naak nalunaaruteqarnissamik suliaq pilersaarusiorduagaallunilu kukkunersiuisunut nunani tamalaani malitassat naapertorlugit ingerlanneqaraluartoq.

#### **Aqutsisoqatigiit akisussaaffeqarnerat**

BDO-p nalunaaruteqarnissamik suliassat suliffeqarfimmi aqutsisut naatsorsuutinik allanik naatsorsuserinermit taaguusersuutinut sinaakkusiussat atuuttut naapertorlugit suliarinissaannut akuersinerat paasinninnerallu tunngavigalugu sulissavai, aammalu nalunaaruteqarnissamut tunngavissat pisariaqartut tunniunnissaannut akisussaasuussapput, paasisutissallu nalunaarummut tunngavigineqartut eqqortuunissat, tamakkiisuunissat uppersaasarsugaanissaallu akisussaaffigaat, suliffeqarfiullu inatsisinik maleruagassanillu allanik nalunaaruteqarnermut attuumassutilinnik eqquutsitsisoqarnissaa qulakkiissavaat.

Aqutsisutaaq akisussaaffigaat BDO makkununga pissarsinnaatissallugu:

- 1) Paasissutissanik tamanik aqutsisoqatigiit ilisimasaqarfigisaannik, nalunaaruteqarnermillu suliaqarnermut attuumassuteqartunik,
- 2) Paasissutissanik amerlanerusunik nalunaaruteqarnermik suliaqarnissamut atorneqartussanik BDO-p aqutsisoqatigiinnut noqqaassutigisaanik, aamma
- 3) Suliffeqarfimmi inunnut, BDO-p uppersaatissaanik aallerfissatut pisariaqarsorisaanut, killeqanngitsumik saaffiginnissinnaaneq.

BDO nalunaaruteqarnissamik suliaqarnermut atatillugu aqutsisunut noqqaassutigissavaa, pisariaqarpallu, suliffeqarfimmi inunnut allanut, nalunaaruteqarnissamut sammisamut atatillugu BDO-mut oqaaseqaatigineqartut allakkatigut uppersarnissaat paasissutissat attuumassuteqartut tamaasa aqutsisoqatigiinnit ilisimasaqarfigineqartut BDO-mut tunniunneqarsimasut, tassunga ilanngullugu inatsisinik maleruagassanillu allanik eqquutsitsinissap amigarneranut pissutsit suulluunniit, peqquserlunnerit aamma nalunaaruteqarnissamut sammisami amigaatinut tunngatillugu.

Oqaaseqaat aamma nalunaaruteqarnermi sammisamik tunngavissat attuumassuteqartut malillugit misissuinerup imaluunniit naliliinerup uppersarneqarneranik imaqassaaq, tassunga ilanngullugit pissutsit attuumassuteqartut tamaasa sammisap imarisaanut naapertuunnerat.

#### **Kukkunersiuissup nalunaarusiortarnera**

Nalunaaruteqarnissamik suliassap naammassinerani BDO allakkatigut nalunaaruteqassaaq naatsorsuutit allat pillugit BDO-p qaffasissumik qularnaassusilimmik inerniliineranik imalimmik, aammalu tamanna sutigut tamatigut tunngavissanut attuumassuteqartunut naapertuuttumik suliarineqarsimaneranik.

Inerniliinerup ilusilersorneqarnerani BDO-mit nalilerneqassaaq sammisap imarisaat paasissutissanik kukkusunik pingaarutilinnik imaqarnersoq, tamatumani uppersaatissat naammannersut naleqquttuunersullu isummerfigineqassaaq aammalu kukkusumik paasissutissiinerit ataasiakkaarlugit ataatsimoortillugilluunniit pingaaruteqarnerisut.

BDO-p pisariaqarsorippagu BDO nalunaarummi erseqqissaatinik ilanngussissaaq. Taamatut erseqqissaateqarnerit siunertaraat pissutsit saqqummiunneqartut imaluunniit sammisap imarisaani taaneqartut nalunaarummik tiguisussamit eqqumaffigineqarnissaat, taakku BDO-p naliliinera naapertorlugu ima pingaaruteqartigimmata sammisap imarisaata imaluunniit nalunaaruteqarnissamik suliassap, kukkunersiuissup akisussaaffeqarnerata imaluunniit nalunaarutip tunngaviummik paasinissaanut pingaaruteqarlutik.

BDO-p inerniliinini naleqqussassavaa BDO-p suliatigut naliliinera naapertorlugu suliap annertussusianik killilisoqarsimappat, imaluunniit sammisap imarisaat BDO-p suliatigut naliliinera naapertorlugu paasissutissanik kukkusunik pingaarutilinnik imaqarpat. Taamatut pisoqartillugu BDO nangaassutitalimmik inerniliissaaq imaluunniit naqqiissuteqarluni inerniliilluni, imaluunniit inerniliinngitsoorluni.

#### **Pissutsit allat**

##### **Siunnersuineq, ikiuineq il.il.**

Ukiuoorutimik naatsorsuutinik kukkunersiuinermit ilaatinneqanngillat suliffeqarfimmi naatsorsuutinik allattuinermit, ukiuoorutimik naatsorsuutinik suliaqarnermut imaluunniit naatsorsuutini allatigut inissiinerit ikiuineq.

BDO taamaallaat siunnersuisinnaavoq allatigulluunniit ikiuullunilu tamanna peqataasinnaassuseqannginnermut aamma arlaannaanulluunniit attuumannginnissamut malittarisassat atuuttut naapertorlugit pisinnaappat.

#### **Kukkunersiuissut tunuarneq**

BDO Suliffeqarfimmut kukkunersiuissut tunuassagalaruni tunuarnerminut pissutaasoq pillugu kukkunersiuissumut sulilersumut ilisimatitsissutigissavaa. Tunuarnermi BDO pissusaavoq kukkunersiuissut ivertinneqartoq suliffeqarfik pillugu paasissutissanik attuumassuteqartunik, kukkunersiuissup nalunaarutaanut tunngasunik, pissarsinissamut periarfississallugu, aamma BDO-p tunuarneranut pissutaasoq pillugu BDO naammattumik nassuiaateqassaaq.

#### **Kukkunersiuissup nalunaarutaanik nutarterineq**

Kukkunersiuisup nalunaarutaa manna nutarterneqassaaq suliassap imarisaanut atassuteqartumik allannguuteqarpat imaluunniit inatsisini malitassaniluunniit allannguutit kingunerisaannik allanngortoqarpat, imaluunniit pissutsit allat BDO-p pisariaqarsorisa pissutigalugit.

Inatsisartunut nalunaaruteqarnermi kukkunersiuisup nalunaarutaa manna innersuussutigineqassaaq, Inatsisartunullu ilaasortanut nutaanut tunniunneqarnissaa naatsorsuutigineqarpoq.